

# **REFERAT AIA - Aningaasaqarnermut Inuussutissarsionermullu Ataatsimiititaq d. 31-01-2023**

**Mødedato** Tirsdag d. 31. januar 2023 kl. 16:00

**Mødested** Kommunalbestyrelsen ataatsimiittarfia

## Indholdsfortegnelse

Saqqa.....	3
Oqaluserisassat akuersissutigineqarneri.....	4
Nalunaarutit.....	5
2022-mi missingersuutit pillugit isumaqatigiisummi anguniakkanut takussutissiaq.....	6
2023-mut missingersuutit pillugit isumaqatigiisummi anguniakkanut takussutissiaq.....	8
Kommuneqarfik Sermersuumi meeqquerivinnik namminersortunik nakkutilliineq 2022.....	10
Nuummi aamma Tasiilami Pitsaaliuinermut Ataatsimiititaliamut 2022-mut iliussissatut pilersaarusi	13
Utoqqarnut, biiliutsittarnissamut innersuunneqarsimasunut sammisassaqartitsiviliaassinermi akeqar	17
Inuit innarluutillit pillugit immikkoortumut pilersaarutip killiffia (2022).....	20
Illorput 2000 aamma nammineq illuliassat allat - sanaqateqarluni illuliassat kiisalu kommunimi ilac	24
Qinngutsinni oqquffissanik sisamanik tunniussineq, Nuuk.....	30
Iserit A/S-ip aamma NCD A/S-ip akornanni kattunnissaq.....	33
Illunik tigusinissamut taarsigassarsinissaq.....	35
Aningaasaqarnermut Inuusutissarsiornermullu Ataatsimiititap angalanera pillugu nalunaarussiaq.....	38
Inuusuttut Kommunalbestyrelsianut najoqqutassatut nutaatut siunnersuut.....	41
Kommunimut pilersaarummut tapiliussatut siunnersuut 2B1-2 Industrivej, Nuuk.....	45
Pilersaarummut qinnuteqaatip Pinguaq inissiat 48-t inaarutaasumik akuersissutigineqarnera.....	48
Aningaaseriviup qularnaveeqqusiinissaanik siunnersuut.....	52
Lukket.....	55
Lukket.....	56
Lukket.....	57
Lukket.....	58
Lukket.....	59
Tamalaat.....	60
Imaqarniliap akuerineqarnera.....	61

## **Punkt .: Saqqaa**

### **Ilaasortat**

Avaaraq S. Olsen (IA) *siulittaasog*  
Juaaka Lyberth (IA)  
Uju Petersen (IA)  
Justus Hansen (D)  
Ken Madsen (N)  
Inga Dóra G. Markussen (S)  
Dorthe-Marie Mogensen-Fontain (S)

### **Beslutning**

#### Ataatsimeeqataasut:

Avaaraq S. Olsen (IA) *siulittaasog*  
Juaaka Lyberth (IA)  
Uju Petersen (IA)  
Inga Dóra G. Markussen (S)

#### Attaveqaatitigut peqataavoq:

Justus Hansen (D)  
Ken Madsen (N)  
Dorthe-Marie Mogensen-Fontain (S)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

# Punkt .: Nalunaarutit

## Beslutning

**Nalunaarutit siulittaasoq Avaaraq Olsen: (IA)**

**Sap. ak. 51**

**19. decembari** Meeqerivik Tupaarnamiit meeqqat arfineq-marluk kommuneqarfiup allaffianut pulaarpaannga, tassanilu kommunalbestyrelsip ataatsimiittarfia takutippara.

**Sap. ak. 2**

**12 januaari:** Meeqerivik Puiamit meeqqat allaffimmut pulaarpaannga.

**Sap. ak. 3**

**17. januaari:** Usisaammut suliffeqarfimmut pulaarneq

**18. januaari:** Kommunalbestyrelsip ataatsimiittarfiani Nakuusa-p Meeqqanut Ataatsimeersuartitsineranit isumaqatigiissut 2022 atuarneqarpoq tunniunneqarlunilu.

**19. januaari:** Royal Arctic Linemut suliffeqarfimmut pulaarneq

**19. januaari:** Nunaqarfimmi aqutsisut siulittaasuannik ataatsimeeqateqarneq

**19. januaari:** Nuummi Eqqumiitsulianik Saqqummersitsivimmi ukiortaami ilassinnineq

**Sap. ak. 4**

**24. januaari:** Katuaq I/S pillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoq Peter Olsenimik ataatsimeeqateqarneq.

# **Punkt 1: 2022-mi missingersuutit pillugit isumaqatigiissummi anguniakkanut takussutissiaq**

## **Beslutning**

Ilisimatitsissut tusaatissatut tiguneqarpoq.

## **Bilag**

2022-mi missingersuutit pillugit isumaqatigiissummi anguniakkat

2022-mi missingersuutit pillugit isumaqatigiisut



## **2022-mi missingersuutit pillugit isumaqatigiissummi anguniakkanut takussutissiaq**

Ilisimatitsissut

SagsID: EMN-2022-06803

Suliffeqarfimmut Kiffartuussivik - kommunaldirektøri Ole Jakobsen / OJAK

### **Inassuteqaat**

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

### **Suliassamik saqqummiussineq**

Pisortaqaatigiit Allatseqarfiat missingersuutit pillugit isumaqatigiissutaasuni anguniakkanut takussutissamik suliaqarput, allaffissornikkut taakku sumit akisussaaffigineqarnersut kiisalu taakku killiffii inissineqarlutik. Aningaasaqarnermut Inuussutissarsiornermullu Ataatsimiititaq kiisalu Kommunalbestyrelse siunissami missingersuutini isumaqatigiissutaasuni anguniakkat killiffii kvartalikkuaartumik ilisimatinneqartalissapput .

Matumani takussutissami 2022-mi missingersuutit pillugit isumaqatigiissutigineqartut tunngavigineqarput.

Takussutissaq erseqqarinnerusoq siunnersuutilu ataasiakkaat allaaserineqarnerat llanngussaq 1-imi takuneqarsinnaapput.

### **Ingerlatsivimmit aningaasatigut sulisoqarnikkullu naliliinerit**

Aningaasartuutaasussatuaq tassa sulisut atorfeqareersut suliamut ingerlatsinerannik piffissaq atorneqartoq.

### **Suliffeqarfimmut Kiffartuussivimmit aningaasatigut sulisoqarnikkullu naliliinerit**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- o 2022-mi missingersuutit pillugit isumaqatigiissut

### **llanngussat**

1. 2022-mi missingersuutit pillugit isumaqatigiissummi anguniakkat
2. 2022-mi missingersuutit pillugit isumaqatigiissut

## **Punkt 2: 2023-mut missingersuutit pillugit isummaqatigiissummi anguniakkanut takussutissiaq**

### **Beslutning**

Ilisimatitsissut tusaatissatut tiguneqarpoq.

### **Bilag**

2023-mut missingersuutit pillugit isumaqatigiissummi anguniakkat

2023-mut missingersuutit pillugit isumaqatigiissut



## **2023-mut missingersuutit pillugit isumaqatigiissummi anguniakkanut takussutissiaq**

Ilisimatitsissut

SagsID: EMN-2023-00238

Suliffeqarfimmut Kiffartuussivik - Kommunaldirektøri Ole Jakobsen/ OJAK

### **Inassuteqaat**

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliassamik saqqummiussineq**

Pisortaqaatigiit Allatseqarfiat missingersuutit pillugit isumaqatigiissummi anguniakkanut takussutissamik suliaqarput, allaffissornikkut akisussaaffik tassaniimmat kiisalu taakku killiffiinut tunngasut. Aningaasaqarnermut Inuussutissarsiornermullu Ataatsimiititaq kiisalu Kommunalbestyrelse missingersuutit pillugit isumaqatigiissummi anguniakkanut killiffimmik qaammatit pingasukkaarlugit ilisimatinneqartassapput.

Matumani takussutissami 2023-mut missingersuutit pillugit isumaqatigiisut tunngavigineqarpoq.

Takussutissaq erseqqarinnerusoq siunnersuutillu ataasiakkaat allaaserineqarnerat ilanngussaq 1-mi takuneqarsinnaapput.

### **Ingerlatsivimmit aningaasatigut sulisoqarnikkullu naliliinerit**

Aningaasartuutaasussatuaq tassa sulisut atorfeqareersut suliamut ingerlatsinerannik piffissaq atorneqartoq.

### **Suliffeqarfimmut Kiffartuussivimmit aningaasatigut sulisoqarnikkullu naliliinerit**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- 2023-mut missingersuutit pillugit isumaqatigiisut

### **Ilanngussat**

1. 2023-mut missingersuutit pillugit isumaqatigiissummi anguniakkat
2. 2023-mut missingersuutit pillugit isumaqatigiisut

## **Punkt 3: Kommuneqarfik Sermersuumi meeqqerivinnik namminersortunik nakkutilliineq 2022**

### **Beslutning**

Ilisimatitsissut tusaatissatut tiguneqarpoq.



## Kommuneqarfik Sermersuumi meeqqerivinnik namminersortunik nakkutillineq 2022

Meeqqerivinnik namminersortunik nakkutillineq, ukuusut Meeqqerivik Mikisoq, Meeqqerivik Sulunnguit aamma Esther Børnhave

Ilisimatitsissut

SagsID.: EMN-2022-09509

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutit ingerlateqqinneqassasoq

### Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr 16, 3 december 2012-meersumi § 5, imm 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Kommuneqarfik Sermersuumi kommunip ulluunerani neqeroorutigisartagaasa saniatigut namminersortunik meeqqeriveqarpoq. Meeqqeriviit namminersortut pingasuupput taakkulu Nuummiipput; meeqqeriviit marluk aamma ukioqatigiinngiaanut meeqqerivik. Taakku Kommunalbestyrelsimut akuerisaapput kommunimiillu ingerlatsinerlutit tapiissutisarlutik.

### Meeqqeriviit namminersortut

Meeqqeriviit namminersortut tassaapput: Esther Børnehave (3-6-inut ukiulinnut) 20-nik meerartaqarpoq sisamanillu sulisoqarluni, Meeqqerivik Sulunnguit (3-6-inut ukiulinnut) 20-nik meerartaqarpoq sisamanillu sulisoqarluni, kiisalu ukioqatigiinngiaanut Meeqqerivik Mikisoq (0-6-inut ukiulinnut) 35-nik meerartaqarpoq arfineq-pingasunillu sulisoqarluni.

Meeqqerivinnik namminersortunik nakkutillineq kommunimi perorsaanikkut siunnersortinit suliarineqartarpoq. 2022-mi maajip qaammataani meeqqeriviit tamarmik nakkutigineqarput. Kingorna nakkutilliinermut nalunaarusiat aqutsisunut nassiunneqarput.

### Nakkutilliinerit ataatsimut isigalugit

#### *Perorsaanikkut sulineq*

Meeqqeriviit ukiumut pilersaaruteqartarput ukiullu qanoq ilinera nalinginnaasumik sammisassaqaartitsinikkut ingerlatsivigisarlugu. Neqeroorutitut ersarissumik takorluukkanik peqanngilaq, taamaattoq silamiittarneq, kulturi kiisalu timi aalanerlu ukkatarineqarput. Akuersaartumik perorsaaiaaseqarnissaq aallaavigalugu sulipput. Tunngaviit arfineq-marluk aallaavigalugit sulisartut arlaannaataluunniit oqaatiginngilaa. Perorsaanertalimmik timersorneq aamma Kammagiitta tamani atuuppoq.

#### *Angajoqqaanik suleqateqarnerit*

Meeqqeriviit tamarmik angajoqqaat siulersuisuannik peqarput taakkulu ulluunerani neqeroorummut siunnerfiliisarput. Qaammatit pingasukkaarlugit ataatsimiittarput. Atuisunik ataatsimiititsineq ukiumut marloriarlugu ingerlanneqartarpoq kiisalu angajoqqaanik ataasiakkarineq ataavartumik ingerlanneqartarluni.



### *Meeraq*

Meeqqamik misissuineri MIIM, TRAS aamma RABU atorneqartarput. Meeqquvimmi ataatsimi TRAS aamma RABU taamaallaat atorneqarput MIIM ilisimaarineqanngimmat.

Kommunimi meeqqerivinni tamani, aamma namminersortuni, MIIM aamma Meeqqap mappiata atorneqarnissaat inatsisitigut pituttugaapput, nakkutilliusullu aqutsisumut tamanna pillugu ilisimatitsivoq.

Tamarmik MISI-mik suleqateqarput sunillu neqerooruteqartuusartut ilisimasaqarfigalugu.

Atualernissamut piareersaatiniq sammisaqartitsisoqartarpoq tamarmiullutillu atuarfimmut pulaartarlutik. Marluk Nuuk International Friskolemik suleqateqarput, pingajuallu ASK aamma sunngiffimmi ornittakkamik Illumik suleqateqarluni.

Meeqquviit marluk imminnut ungasinnginnamik ukiumut arlaleriarlutik naapittarput. Meeqqat assersuutigalugu pinnguartarfimminni pinnguaqatigiittarput.

### *Sulisut*

Meeqqanik innarliisimanginnermut uppersaasatit tamatigut qulakkeerneqartarput. Meeqquvinni tamani sulisut aalajaatsuppuput. Meeqquviit ilaanni ataasiinnarmi MUS-imik oqaloqatigiinnerit aalajangersimasutut ingerlanneqartarput. Meeqquvinni marlunni oqaatigineqarpoq, sulisunik ulluinnarni atugarissaarnermut tunngasunik oqaloqatiginnikkajuttarlutik.

Meeqquvinni tamani sulisunut pikkorissaanernut kommunimi ingerlanneqartunik peqataasarnissamut soqutiginnippuput.

### **Ingerlatsivimmit aningaasatigut sulisoqarnikkullu naliliinerit**

Attuumassuteqanngilaq.

### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

### **Inatsisitigut tunngavissaq allakkallu tunngaviusumik uppersaasatillit**

- Meeqqanut sulit atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr 16, 3 december 2012-meersoq

### **Siusinnerusukkut aalajangiinerit**

*Meeqqanut Atuarfeqarnermullu Ataatsimiititaq, 12.01.23:*

Ilisimatitsissut tusaatissatut tiguneqarpoq

### **Ilanngussat**

1. Tilsyn Mikisoq
2. Tilsyn Esther
3. Tilsyn Sulunnguit

## **Punkt 4: Nuummi aamma Tasiilami Pitsaaliuinnermut Ataatsimiititaliamut 2022-mut iliuusissatut pilersaarusiak pillugit ilisimatitsineq**

### **Beslutning**

Ilisimatitsissut tusaatissatut tiguneqarpoq.

### **Bilag**

Tasiilami Pitsaaliuinnermut Ataatsimiititaliamut 2022-mut iliuusissatut pilersaarusiak

Nuummi Pitsaaliuinnermut Ataatsimiititaliamut 2022-mut iliuusissatut pilersaarusiak



## **Nuummi aamma Tasiilami Pitsaaliuinnermut Ataatsimiititaliamut 2022-mut iliuusissatut pilersaarusi at pillugit ilisimatitsineq**

Ilisimatitsissut

SagsID: EMN-2022-08651

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik – pisortaq Martha Abelsen / MRBL

### **Inassuteqaat**

Meeqqanut Atuarfeqarnermullu Ataatsimiititap aamma Meeqqanut Ilaqutariinnullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaat:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutit ingerlateqqinneqassasoq

### **Suliassamik saqqummiussineq**

Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersumi § 5 naapertorlugu Naalakkersuisut illoqarfini tamani pinaveersaartitsinermut ataatsimiititaliamik pilersitsissapput. Pinaveersaartitsinermut ataatsimiititaliat suliassaraat najukkami peqqinnikkut iluaqutaasinnaasunik pitsaaliuinnermillu suliaqarnerit patajaallisarneqarnissaat.

Najukkani pinaveersaartitsinermut ataatsimiititaliat pillugit Namminersornerullutik Oqartussat nalunaarutaat nr. 18, 18. maj 2001-imeersumi § 3-p malitsigisaanik, Pitsaaliuinnermut Ataatsimiititaliaq ukiumoortumik pitsaaliuineq aamma peqqissutsip siuarsarnissaanik sulineq pillugit iliuusissamik pilersaarusiortassaaq.

Nalunaarut naapertorlugu Pitsaaliuinnermut Ataatsimiititaliap ilaasortarai:

- o Napparsimmavimmit/peqqissaavimmit peqqinnissamik sulialik ataaseq
- o Kigutileriffimmit peqqinnissamik sulialik ataaseq
- o Illoqarfimmi pinaveersaartitsinermut siunnersorti (kommunimi sulisoq)
- o Meeqqat aturfiani aqutsisunit sinniisoq ataaseq
- o Politiini aqutsisunit sinniisuuneq ataaseq
- o Kommunimi isumaginninnermik ingerlatsivimmi aqutsisunit ataaseq
- o Pinerluuteqarsimasunik isumaginnittoqarfimmi aqutsisunit sinniisoq ataaseq

Pitsaaliuinnermut ataatsimiititaliat ukiumut kvartalikkaartumik sisamariarlutik ataatsimiittarput. Pitsaaliuineq peqqinnerulersitsiniarnerlu pillugit suliassaqarfimmi ukiumoortumik iliuusissamik pilersaarusiortarpoq, kingusinnerpaamik novembarip ulluisa aallaqqaataat nallertinnagu Paarisamut nassiunneqartussaq.

Massakkut Paamiuni ataavartumik pitsaaliuinnermut ataatsimiititaliaqanngilaq. Meeqqanut Atuarfeqarnermullu Ingerlatsivik Politiinut Peqqinnissaqarfimmullu saaffiginnippoq Paamiuni nutaamik pitsaaliuinnermut ataatsimiititaliamik pilersitsisoqarnissaa siunertaralugu.

### **Tasiilami 2022-2023-mut iliuusissatut pilersaarut**

Pitsaaliuinnermut ataatsimiititaliap suliaasa Inuuneritta III (2020-2030), "Meeqqat pitsaasumik inuuneqarnissaat" tunngavigissavaat. Meeqqat imigassamut aalakoornartumut illersorneqarnissaat immikkut ukkatarissallugu aalajangerput.



2021-mi septembarimi peqqinnissaqarfimmit saaffiginnittoqareernerata kingornatigut imigassat aalakoornartut matuneqarnerat, Tasiilamilu imigassartorsimallutik unittartut piffissami kingullermi amerlavallaarmata suliniarfigineqartumut tunngaviuvoq. Taassuma saniatigut politiit kisitsisaataasa takutippaat, inatsisinik unioqquitsinerit amerlanersaat aalakoornartumut attuumassuteqartut. Tunngavilersuummi kingullermi 2018-imi innuttaasunik misissuinerimi paasisat tunngavigineqarput, ilaatigut takutinneqarpoq imigassartorsimalluni ajornartorsiutit akulikillinerini imminut toqunnarluni eqqarsaatit annertusisartut.

Suliniarfigineqartup siunertaraa:

- Imigassartorsimanerup timikkut tarnikkullu kingunerisinnaasaanni ukkatarinnineq
- Aalakooriaatsit killiliisarnerlu pillugit ilisimatitsineq
- Inuusuttut atuinerannik pitsaaliuineq

Suliffeqarfiit tamarmik Tasiilami Pitsaaliuinermit ataatsimiititaliamut attuumassuteqartut iliuusissatut pilersaarummut ilanngussassatik nassiutereerpaat, tassaasut suliniutit iliuuserisassallu sulissutigisassatik. Taassuma saniatigut Pitsaaliuinermit ataatsimiititaliamit sammisassat tulliuuttut pilersaarusioreqarput:

- Nunarsuaq tamakkerlugu peqqinnissamut ullorititaq 7/4
- Sapaatip akunnera 18
- Nunarsuaq tamakkerlu imminut toqunnissamut pinaveersaartitsinermit ullorititaq 10/9
- WHO-p pitsaaliuinermit ullorititaa 11/11

Nuummi 2022-mut iliuusissatut pilersaarut

Nuummi Pitsaaliuinermit ataatsimiititaliaq pitsaaliuineq pillugu suliniutit aalajangersimasut periusissallu ineriartortinneqarnissaat pillugit siunnersuisarnissaq annertuumik kissaatigaat. Taakkua saniatigut kissaatigaat paasisutissanik annertussutsinut tunngasut sunniutaannik uuttuinermik ukkatarinninnissaq, taamaalilluni paasisutissat siunissami suliniutinut aaqqiissutissanullu atorneqassallutik.

2022-mut anguniakkat tassaapput:

- 2022-mi attaveqatigiinnermit periusissiamik aallartitsisoqassasoq, Pitsaaliuinermit ataatsimiititaliap suliaasa ersarissarnissaat siunertaralugu
- Pitsaaliuinermit suliat sunniutaasa uuttorneqarnissaat qitiutinneqassasoq
- Ataatsimiititaliaq pisortatigoortumik tusarniaaffittut, pilersitsinermit imaluunniit Nuummi pitsaaliuinermit suliniutit naliliiffigineqarnissaannut atatillugu atorneqaannassasoq

Pitsaaliuinermit ataatsimiititaliaq aalajangerpoq, pitsaaliuinermit suliniutit allattorsimaffiat suliaminnit peerneqassasoq, nukissanik atuinarpallaarmat aammalu ataatsimiititaliamit tamanna atorneqartanngitsutut isigineqarmat. Taassuma saniatigut pitsaaliuineq siammasissumik nassuiarneqarsinnaammat, Kommuneqarfik Sermersuumi suliniutit pilersitallu allattorsimaffimmut ilanngunneqarsinnaallutik.

**Ingerlatsivimmit aningaasatigut sulisoqarnikkullu naliliinerit**

Attuumassuteqanngilaq.

**Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.



### **Inatsisitigut tunngavissaq allakkallu tunngaviusumik uppersaattillit**

- Najukkani pinaveersaartitsinermut ataatsimiisitaliat pillugit Namminersornerullutik Oqartussat nalunaarutaat nr. 18, 18. maj 2001-imeersoq
- Inatsisartutlov nr. 27 af 18. november 2010 om sundhedsvæsenets styrelse, organisation samt sundhedsfaglige personer og psykologer

### **Siusinnerusukkat aalajangiinerit**

*Meeqqanut Atuarfeqarnermullu Ataatsimiititaq, 07.12.22:*

Ilisimatitsissut tusaatissatut tiguneqarpoq.

*Meeqqanut Ilaqutariinnullu Ataatsimiititaq, 12.01.23:*

Ilisimatitsissut tusaatissatut tiguneqarpoq.

### **Ilanngussat**

1. Tasiilami Pitsaaliuinerimut Ataatsimiititaliamut 2022-mut iliuusissatut pilersaarussiaq
2. Nuummi Pitsaaliuinerimut Ataatsimiititaliamut 2022-mut iliuusissatut pilersaarussiaq

## **Punkt 5: Utoqqarnut, biiliutsittarnissamut innersuunneqarsimasunut sammisassaqartitsiviliaassinermi akeqanngitsumik biiliussineq**

### **Beslutning**

Ilisimatitsissut tusaatissatut tiguneqarpoq.

### **Bilag**

Siulittaasup aalajangiinera

## **Utoqqarnut, biiliutsittarnissamut innersuunneqarsimasunut sammisassaqaqtitsiviliaassinermi akeqanngitsumik biiliussineq**

Siulittaasup aalajangiinera pillugu suliaq

Ilisimatitsissut

SagID.: EMN-2022-09608

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Ulloq 22/12-2022, Nuummi innuttaasut 67-inik ukioqalereersimasut

sammisassaqaqtitsiviliaanneqartarnissaminnut innersuunneqarsimasut 1/1-2023-mi

akeqanngitsumik biiliutsittalernissaannik siunnersuut, siulittaasup akueralugu aalajangiivoq.

Kommuneqarfik Sermersuumi 2023-mi Suliat pitsaassusissaata allaaserineqarneri naapertorlugit, pensionisiallit, pitsorluttut, rollatorinik atuisut imaluunniit paasinnittaatsimikkut annikillisimasut sammisassaqaqtitsiviliaanneqarnissaminnut pisinnaatitaaffeqarput. Innuttaasut tamakkiisumik ataavartumik piginnaanikillisimasut, akeqanngitsumik biiliutsissapput, taavalu innuttaasut piginnaasakilligallarsimasut akigititat naapertorlugit akiliuteqartassallutik.

Nuummi utoqqaat sammisassaqaqtitsiviliaanneqartarnissamik innersuunneqarsimasut amerlanersaat, tamakkiisumik ataavartumik piginnaanikillisimasuupput, taamaasillutillu sammisassaqaqtitsivilianissaminnut akeqanngitsumik biiliutsinnaallutik.

Utoqqaat sammisassaqaqtitsiviliaanneqarnissaminnik innersuunneqarsimasut ikinnerusut, utaqqiisaasumik piginnaanikillisimasuupput. Taakkua piginnaanikilligallarnerat tamakkiisuunngimmat, taamaasillutik akeqanngitsumik biiliutsissinnaanngillat, taamaattumillu innarluutilinnut naatsorsuussamik biilinet ilaanissaminnut akigititat naapertorlugit akiliuteqartussaallutik, Kommuneqarfik Sermersuumi akigititat naapertorlugit. 2023-mi biiliutsitarneq 10 koruuneqarpoq.

Utoqqarnik sullissivimmi tulleriissaarisartut nalilersuisarput, innuttaasut ataasiakkaat innarluutilinnut naleqqussakkamat akeqanngitsumik biiliutsissinnaanersut. Tamanna tulleriissaarisartuni allaffissornikkut akiliisitsiniarnermilu suliassaqaqarnartarpoq. Taamaattumik utoqqaat innarluutilinnut naleqqussakkani biilinet taakkununga ilaasut ilaat akiliisussaaneq ajorput, ataavartumik piginnaanikillisuunnginnerat pissutigalugu, ilaalli akiliuteqartariaqartarput, ataavartumik piginnanikillisimannginnertik pissutigalugu.

Allannguuteqartitsinikkut sullissineq pitsanngoriaateqassaaq, allaffissornikkut oqilisaataassalluni, peqatigitillugulu utoqqaat tamarmik bussillu unittarfianut qaninnermut ornigussinnaanngitsut, sammisassaqaqtitsiviliaanneqarnissaminnut innersuunneqarsimasut, akeqanngitsumik biiliunneqartalissammata.

Ataatsimut isigalugu siunnersuut Kommuneqarfik Sermersuup utoqqarnik sullissineranik pitsanngorsaataassaaq, 2023-mut missingersuutitut isumaqatigiissut naapertorlugu Nuup Bussiisa utoqqalinersialinnik akeqanngitsumik bussiuussisalernissaa assigalugu.

Akeqarunnaarsitsinerup kingunerissavaa, innuttaasut utoqqaat, bussit unittarfiannut ornigussinnaangitsut, kommunip neqeroorutaanut sanilliullugu assigiimmik pineqalernissaat.

#### Ingerlariaqqinnissaq

Suliffeqarnermut Isumaginninnermullu Ingerlatsiviup akit allattorsimaffiat pitsaassutsimullu assigiissaakkat naleqqussarpai, akigitinneqartoq ilanngunniassammat.

#### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsiviup naatsorsuutigaa, taamatut sullissineq isertitassaraluanut ukiumut annerpaamik 50.000 koruuninik naleqassasoq. Tassunga aningaasartuutissaq 2023-mut missingersuutitigut isumaqatigiissummi utoqqalinersialinnik akeqanngitsumik bussiuussisalernissamut aningaasaliissutiniit akilerneqassaaq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaatillit**

- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq
- Inuit innarluutillit tapersersorneqarnissaannut Namminersorlutik Oqartussat nalunaarutaat nr. 29, 7. august 2020-meersoq
- Kommuneqarfik Sermersuumi Suliart pitsaassusissaata allaaserineqarneri: Sammisassatut neqeroorummut biiliussisarneq
- Kommuneqarfik Sermersuumi 2022-mi akigititai

#### **Siusinnerusukkut aalajangiinerit**

*Suliffeqarnermut Isumaginninnermullu Ataatsimiititaq, 17.01.23:*  
Inassuteqaat akuersissutigineqarpoq.

#### **Ilanngussat**

1. Siulittaasup aalajangiinera

## **Punkt 6: Inuit innarluutillit pillugit immikkoortumut pilersaarutip killiffia (2022)**

### **Beslutning**

Ilisimatitsissut tusaatissatut tiguneqarpoq.

### **Bilag**

Inuit innarluutillit pillugit immikkoortumut pilersaarummi suliniutit killiffii 2022

Inuit innarluutillit pillugit immikkoortumut pilersaarutip immikkoortuata 3-at



## Inuit innarluutillit pillugit immikkoortumut pilersaarutip killiffia (2022)

Ilisimatitsissut

SagsID.: EMN-2022-08321

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Inuit innarluutillit pillugit immikkoortumut pilersaarummi suliniuteqarfinni suliniutit sukumiisut nassuiaatigineqarneri ukiut tamaasa killiffissiorneqartarput. Inuit innarluutillit pillugit immikkoortumut pilersaarut pillugu ukiumoortumik ilisimatitsissuteqarnikkut inuit innarluutillit pillugit politikkimi anguniakkat immikkut erseqqissaatigineqarsimasut anguniarneqarnerisa sulissutigineqarnerat qulakkeerneqartarpoq.

Inuit innarluutillit pillugit immikkoortumut pilersaarut 2016-imi naammassineqarpoq inuillu innarluutillit pillugit suliassaqarfimmi suliniutinut tamanut tunaartalersuilluni. Tassani politikkikkut angusaqarluarusussuseqarfiit qanoq piviusunngortinneqartartut suliniuteqarnikkullu atuutilersinneqartartut nassuiaatigineqarput. Taamaalilluni immikkoortumut pilersaarut kommunimi inuit innarluutillit pillugit suliassaqarfimmi, iliuusissanut nutaanut ataavartumik tulluarsagassanik pilersaarusionermut aqutsinermullu atugassiaavoq.

Suliffeqarnermut Isumaginninnermullu Ingerlatsiviup ingerlatsiviit allat suleqatigalugit killiffimmik nalunaarsuineq ataqatigiissarlugulu suliarivaa.

Inuit innarluutillit pillugit immikkoortumut pilersaarummi suliniuteqarfiit qulit iluini sukumiisumik suliniutit killiffissiorneqarneri ilanngussaa 1-imi takuneqarsinnaapput. Killiffimmi suliniutit ataasiakkaat agguataarneqarput ukunani *ingerlatsineq* aamma *ineriartortitsineq*. Tulliani killiffimmik nalunaarusiornermi suliniutit killiffissiornerini taamaallaat una pineqassaaq *ineriartortitsineq*. Ineriartortitsinermi suliniutit ukkatarineqartut qulakkeerniarlugit aamma ukiut arlallit matuma siorna ingerlatsinermut ingerlateqqinneqarsimasut suliniutit nalunaarusiami tammanginnissaat qulakkeerniarlugit nalunaarusiortariaaseq Suliffeqarnermut Isumaginninnermullu Ingerlatsivimmit allangortinneqarpoq.

Tulliuttumi 2022-mi suliniutit iliuutsillu ataasiakkaat eqikkarneqarput.

### Innuttaasunut innarluutilinnut sammisassaqaartitsineq

- Innuttaasunut qanigisaasunullu sammisassaqaartitsinerit aaqqissuussallu amerliartuaartinneqarnissaat 2022-mi ukkatarineqarput. Tamanna aamma 2023-mi pingaartinneqartut ukkatarineqassaaq
- 2022-mi innuttaasut 40-t OCN-imik ingerlatsinermik naammassinnippat (Open College Network (OCN) atuartitsineruvoq akuerisaq, tassani innuttaasut ilinniartitaanerup avataani ilikkakkatik pillugit akuerisaasumik piginnaasaqarfigilikkatik pillugit uppersaammik peqalersinnaapput), taakkunanani innuttaasut 33-t Nuummeersut arfineq-marlullu Paamiuneersut. OCN-i pillugu sulineq meeqqat atuarfianni immikkut atuartitani aamma Majoriami maannamiit atuutilersinneqassaaq



- 2022-mi inuit innarluutillit ukiumoortumik sap ak sammisassaqaartinneqarnerat oktobarip qaammataani sap ak pingasunut allanngortinneqarpoq. Inuit innarluutillit sapaatip akunneranik sammisaqaartinneqarnerat iluatsilluarpoq taakkunanilu qanigisaasut innuttaasullu assigiinngitsunik sammisaqaartinneqarput, assersuutigalugu nereqatigiinneq, bingo, katersugaasivimmut pulaarneq, naqittaaqatigiinneq assigisaalu
- Nuummi sap ak aalajangersimasumik suleqatigiit pillorissaasut peqatigalugit eqaarsaartitsisoqarlunilu sammisassaqaartitsisoqartarpoq, taakkunanilu peqataasut qulit missaanniittarput. Aammattaaq innuttaasut 4-6-it missaanniittut ataasiakkaarlugit eqaarsaartinneqartarput

#### Tikikkuminassuseq aamma innuttaasunut paasititsiniaaneq

- Katuami issiavinnik kaassuartakkanik atuisunut naleqquttumik isaarissamik pilersitsinissaq pillugu kommunimit Namminersorlutik Oqartussat suleqatigineqarput. Isariaq 2022-mi naammassineqassaaq isaarissallu aappaa 2023-mi naammassineqassalluni
- Tasiilami biiliutsittarnermi pissutsit pitsaanerunissaat kiisalu innuttaasut ataatsimut biiliunneqarsinnaanissaannut periarfissat amigaatigineqarput, assersuutigalugu illoqarfiup timersortarfiani sungiusartarfik, biiliutsinnermi pissutsit angallanermullu periarfissat pitsaannginneri pissutigalugit atorneqarpiarneq ajorpoq
- Suleqatigiit pillorissaasut angalasartut 2022-mi marloriarlutik Tasiillamut nunaqarfiinullu angalapput. Aammattaaq Arsummiillutillu Qeqertarsuatsiaaniipput
- 2022-p aallartinnerani qanigisat peqatigalugit najukkani immikkoortuni aqqqissuussinerit arlallit ingerlanneqarput

#### Suliffimmi avatangisut aamma sulisunik ineriartortitsineq

- Meeqqat innarluutillit pillugit suliassaqaarfimmi sullissisut Skivemi autisme pillugu ataatsimeersuarnermi ukiumoortumik ingerlanneqartartoq 2022-mi peqataaffigaat
- Inunnut innarluutilinnut aamma Tarnimikkut nappaatilinnut immikkoortortaqaarfimmi sulisut assigiinngitsunut pikkorissartinneqarput, ilaatigut aqqiagiinnginnermut iliutsinut, suliffiup iluani nakorsaatnik isumaginninnermut aamma timikkut piginnaasakillisimasut kinguaassiuutinut tunngasunik pikkorissartinneqarlutik. Aammattaaq sulisut qulingiluat ilinniarsimannngitsut tapersersortitut ilinniagaqarlutik aallartipput
- Inunnut innarluutilinnut aamma Tarnimikkut nappaatilinnut immikkoortortaqaarfimmi aqutsisut inuttut aqutsineq aamma ataatsimut aqutsineq pillugit marloriarlutik 2022-mi pikkorissartinneqarput
- Immikkut atuartitsineri ilinniartitsut aamma Majoriami siunnersortit tamarmik 2022-mi OCN-imut aqqutissiuisutut suliffiullu iluani ataqatigiissaarisutut ilinniakkaminnik naammassinnipput
- Siunissami meeqqat pillugit suliassaqaarfimmi ikorfartortinut ataqatigiissaarisup ataani ikorfartuisoqatigiinnik aamma pilersitsisoqassaaq, ikorfartortit taamaalillutik napparsimanermut sulinggiffeqarnermullu atatillugu paarlakaattarsinnaaniassammata

#### Inunnut innarluutillit pillugit suliassaqaarfik 2023-mi siunissamilu

Inuit innarluutillit pillugit immikkoortumut pilersaarutip killiffia ataatsimiititamut tulliani 2023-mi ukiakkut saqqummiunneqassaaq.

Inuit innarluutillit tapersersorneqarnissaannut Inatsisartut inatsisaanni nr 13, 12 juni 2019-imeersoq naapertorlugi kommunimi inuit innarluutillit pillugit politikki 2017-2027 ukiut sisamakkaarlugit nutarterneqartassaaq. Inuit innarluutillit pillugit politikki taamaalilluni 2023-mi nutarterneqassaaq. Tamatumunnga tunngatillugu politikkip aamma immikkoortumut pilersaarutip akornanni ataqatigiittoqarnissaa qulakkeerniarlugi inuit innarluutillit pillugit immikkoortumut pilersaarut nutaaq ingerlatsivimmit saqqummiussassaaq suliarineqassaaq.



Kommunalbestyrelsimi 29 novembari 2022-mi aalajangiunneqartoq innersuusutugalugu inuit innarluutillit pillugit suliasaqarfimmi immikkoortortaarfik ataqatigiissarisooq pilersinneqassasoq suliniutugalugu 2023-mi Suliffeqarnermut Isumaginninnermullu Ingerlatsivimmit aallartinneqassaaq.

### **Ingerlatsivimmit aningaasatigut sulisoqarnikkullu naliliinerit**

Inuit innarluutillit pillugit immikkoortumut pilersaarutip killiffia pillugu ilisimatitsissut aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Inuit innarluutillit pillugit politikki
- Innarluutillit pillugit Immikkoortumut Pilersaarut

### **Siusinnerusukkut aalajangiinerit**

*Suliffeqarnermut Isumaginninnermullu Ataatsimiititaq, 17.01.23:*

Inassuteqaat akuersissutigineqarpoq.

### **Ilanngussat**

1. Inuit innarluutillit pillugit immikkoortumut pilersaarummi suliniutit killiffii 2022
2. Inuit innarluutillit pillugit immikkoortumut pilersaarutip immikkoortuata 3-at

## **Punkt 7: Illorput 2000 aamma nammineq illuliassat allat - sanaqateqarluni illuliassat kiisalu kommunimi ilaqtariit illui sanaartugassat**

### **Beslutning**

Ilisimatitsissut tusaatissatut tiguneqarpoq.

## **Illorput 2000 aamma nammineq illuliassat allat - sanaqateqarluni illuliassat kiisalu kommunimi ilaqutariit illui sanaartugassat**

Ilisimatitsissut

SagsID.: EMN-2022-09520

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliassamik saqqummiussineq**

Ingerlatsivik ilaannikkut nammineerluni sanaqateqarluni illuliornermut imaluunniit kommunimi inissianut attartugassanut Illorput pillugit apeqquteqarfigineqartarpoq, ingammik kommunimi inoqarfinni nunaqarfinnilu inissialiornermut tunngatillugu. Illunik assigiinngitsunik nammineq illuliornermik sanaqateqarlunilu illuliornermik aqqjissuussineq 1953-imeersuuvoq, siullermik naalagaaffimmit aningaasalersorneqarluni kingornatigullu Namminersornerullutik Oqartussanit/Namminersorlutik Oqartussanit.

Matumani ilisimatitsissummi ingerlatsiviup siunertaraa Illorput oqaluttuarisaanermi nalunaarutinut massakkullu inatsisinut atatillugu aningaasatigut pissutsit pillugit naatsumik nassuiaanissaq, kiisalu ullumikkut qanoq kommunip aningaasaatai illuliornermut pitsaanerpaamik atorneqarsinnaanersut.

Suliassat eqqarsaatigalugit Namminersorlutik Oqartussat konto 87.72.22 "Nunaqarfinni isorliunerusunilu inissialiortiternermut pilersaarut" ukiumoortumik aningaasartalik isumalluutigineqarpoq, 2016-imi Kommuneqarfik Sermersuumut 5,5 mio. koruuniullutik. Tunngaviatigut aningaasat kommuninut agguataarneqartarput. Kommunip aningaasaliissutiniit nammineq salliutitsineq isumagisinnaavaa, uunga:

1. Kommunimi sanaartugassanik pisineq
2. Illut sunulluunniit atorneqarsinnaasut – illut assigiinngitsunik ilusillit, uanilu suliamik saqqummiussami annerusumik nassuiarneqanngitsut
3. Illut nammineq pigineqartut sanaqateqarluni illuliat pisortat taarsigassarsiarititaannit ernialersugaanatillu taarsersugassanngitsunik aningaasalersorneqartut inatsisartut peqqussutaanni kapitali 5 naapertorlugu

Ullumikkut Illorput 2000, 2100 illut illullu allatut ilusillit illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersoq naapertorlugu malittarisassaqtinneqarput. Illut aalajangersimasumik sannallit akuerineqarnissaat pillugu Naalakkersuisunut qinnuteqartoqassaaq, ukiukkaartumik illut aalajangersimasumik sannalinnik akuersisussanut.

Illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersumi allannguutit kingullit naapertorlugit aqqjissuussinermut aningaasalersuineq ilanngullugu ullormit 1. januaari 2017-imit akisussaaffik kommuniniilerpoq. Ulloq 1. januaari 2017-imi kommuninut nuussisoqarnerata kingorna allaffissornermut, sullissinermut, mandetiminut tapiissutinut, pilersaarusionermut, sanaartugassanik pisinermet assartornermullu aningaasartuutit taamaalillutik kommunip karsianit isumagineqalerput.

## Kommunip illuutai sanaartugassat allanillu inissianik sanaartoriaatsit pillugit

Kommunip inissianik sanaartorneranut tunngasut ullumikkut atuupput:

- Kommuni allat assigalugit kommunimi Illorput illunik ukiut qulikkaani kingullerni marlunni sanaartortoqarpoq, sanaartorneq pillugu Inatsisartut Peqqussutaat inatsimmik allammik taarserneqannginneratuulli sukkatiginngitsumik
- Tasiilami Paamiunilu kommunip illutaanik sanaartornissamut katillugit 45 mio. koruunit missingersuusiorneqarput, taakkua piffissami 2023 2025-mi sanaartorneqassapput. Iserit A/S aqutugalugu illunik uiguleriiaannik sanaartornissaq pillugu politikikkut aalajangiisoqareerpoq, taamaattumik sanaartugassatut pilersaarummi uani Illorput aqutugalugu illuliassat ilanngunneqanngillat
- 2023-mut missingersuummi anguniarneqarpoq Kommunalbestyrelse ukiumut ikinnerpaamik 100-nik assigiinngitsunik angissusilinnut piginneqatigiinnikkut inissialianut aningaasaleeqataanissap qulakkeerneqarnissaa ilutigalugulu Iserit A/S inissianik nalinginnaasunik attartugassanik atuutilersitsisarnissaanik piumasaqaat attatiinneqassaaq. Ilaqutariinnut ataasiakkaanut illut uani pineqanngillat

Nunatsinni Illorput illut amerlanerit Namminersorlutik Oqartussat Nalunaarutaat 1994-imeersoq malillugit sanaartorneqarput, tassani kommunit Namminersorlutik Oqartussanit aningaasanik tunineqartarput. Kommunip inissiaataanik attartortittakkanik kommune sanaartorsinnaasimavoq, sanaartornermut aningaasartuutitut akileeqaatanikkut, tassani kommuni Naalakkersuisunit tapiissutinik illup angissusaa apeqqutaalluni m<sup>2</sup>-mut 9.700-8.00 koruuninik tapiiffigitittarpoq, Inatsisartut Peqqussutaanni pisoqqami kapital 2 innersuussutigalugu. Kommunip inissiaataanut attartortittakkanut tunngatillugu Illorput illut orniginartinneqarput, kommunit illut sanaartortinnerani aningaasartuutaasa katinnerani annerpaartai Namminersorlutik Oqartussanit aningaasaliissutaannit matussuserneqartarmata, tamanna illunut allatut isikkulinnut akuerisaasunut atuutinngilaq. Tamatuma taamaalilluni Illorput aqutugalugu illuliat sanaartorneranni aningaasartuutit tamakkiisut amerlassusaannik paatsiveerunnartumik isikkoqartitsisinnaavoq.

Inatsimmik allannguineri kingullermi kommune Namminersorlutik Oqartussat aningaasaliissutaanit kommunimi sanaartugassanik pisinnaajunnaarpoq, taamaasilluni illut kommuni sanaartortikkusutai tamarmik sanaartorneqarnerata akivii tunngavigalugit sulliarneqassapput. Inissianik sanaartornermi peqqutinik assigiinngitsunik kvadratmeterimut aki apeqqutaasarpoq, pingaarnerit tassaallutik:

- Sanaartorfissagissaanissamut akiliutigigititanut aningaasartuutit, sanaartorfiup sumiinnera apeqqutaalluni assigiinngitsorujussuusinnaasarpoq
- Entreprenørit aallartisarnermi akigititaanut aningaasartuutit, sanaartorfimmiit sanaartorfimmut assigiinngissinnaapput pingaarnerpaamilli najugaqarfiup sumiinnera allallu atugassarititaasut peqqutaanerpaallutik
- Najukkami unammillerteqatigiinneq sanaartornermilu sulisussaqaqarnerit
- Il. il.

Ataatsimut isigalugu sanatitsisumut akikinnerussaaq annertuumik ingerlatsinermut iluaqutitaqarnera. Sanaartorfimmi ataatsimi inissiat amerlasuut, ass. illut sanileriaat sanaartukkat imaluunniit inissianik amerlasuunik sanaartukkani allani inissianut allanut m<sup>2</sup>-inullu aningaasartuutit agguataarneqartarput, ilaqutariinnut ataatsinut illunut sanilliullugu, soorlu Illorput-illunut. Taamaattumik ataatsimut isigalugu akikinnerussaaq, kommune illunik sanileriaanik imaluunniit inissianik amerlasuunik sanaartorpat.



Sanaqateqarluni illuliornermut aaqqissuussinermit tunngasoq Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq

Kommunalbestyrelse aalajangerpoq 2023-mut missingersuutit siullermeerneranni sanaartornermut aningaasaliissutit inissianut taarsigassarsiangortinneqassasut 2 mio. koruuninut taarsigassarsititsilluni aningaasaliissutinngorlugit. Innuttaasut, sanaqateqarluni illuliornissamut kommunimit taperneqarnissamut qinnuteqarniartut, aningaasaliissutinit taakkuninnga taarsigassarsisinnaapput. Qinnuteqaat uunga nassiunneqassaaq kommuneqarfik@sermersooq.gl Aningaasaliissutillu sanaqateqarluni illuliornissamut taarsigassarsititsinissamut matussusiinissamut naammanngillat.

Kommunalbestyrelse sanaqateqarluni illuliornissamut 95%-p tungaanut taarsigassarsititsinnaavoq. Qinnuteqartup ukiumoortumik inoqutigiinni isertitai akileraaruserneqartussat agguaqatigiissinneri 300.000 koruuninut 5.882 koruuninik qaffasinneruneri tamaasa, taarsigassarsiat Kommunalbestyrelsip tunniussimasai 1 procentpointinik appartinneqartassapput. Kommunalbestyrelse inatsit taanna malillugu taarsigassarsititsinnaangilaq, qinnuteqartup agguaqatigiisillugu ukiumut aningaasarsiaasa 600.000 koruuninut qaangeqqappagu imaluunniit 25.000 koruuninik pisortanut akilerneqanngitsunik akiitsoqarpat.

Ingerlatsivimmiit naatsorsuutigisariaqarpoq, qinnuteqartoqarsinnaasoq, piunasaqaatinut naammassinnaasunik taakkunanilu amerlanngitsut kisimik namminneq aningaasaliissuteqarsinnaallutik. Tamanna inatsimmi 2018-imi nalinginnaasumik oqaaseqaateqarnermi uppersarsarneqarpoq. Ingerlatsivik naliliivoq, sanaqateqarluni illuliornermi sanaartugassartai 1,2 mio.-t missaannik akeqassasut. Taassuma saniatigut innaallagialaq, imeq kuuffilerinerlu, nunagissaaneq aammalu suliarinnittussap aningaasartuutai. Sanaartornermi ilusaa malillugu akigititaaq 3,7-4 mio koruuniunissaa nalilerneqarpoq, minnerpaamillu nammineq aningaasaliissut 185.000 koruuninut missaaniinnissaa naatsorsuutigineqarluni.

Sanaqateqarluni illuliornissamut taarsigassarsinissamut qinnuteqaatit allakkatigut Kommunalbestyrelsimut nassiunneqassapput. Qinnuteqaat tullinnguuttutigit ilalerneqassaaq:

- sanaqateqarluni illuliassap kissaatigineqartup nassuiarnera
- nunaminertamik qinnuteqaatip takussutissartaa
- nammineq aningaasalersuinnaanerup uppersarsarneqarnera
- qinnuteqartup piffissami aalajangersimasumi pilersaarutaasumillu aserfallatsaaliinissamut aningaasartuutininik aningaasaliisnnaaneranut uppersarsaat
- qinnuteqartup inuup normua, najugaqarnermullu uppersarsaataa
- ikuallattoornermut illutaatalu ajoquserneranut sillimmatip uppersarsaataa

Kommunip illunik sanaqataaffiusunik pisiortorfianut taarsigassarsisumuunngitsaq taarsigassarsiat akiliutigissavai. Tamanna kommunimut aningaasatigut iluanaarfiunngitsutut ingerlatsivimmiit nalilerneqarpoq tassami illut sanaqataaffiusut suliarineqannginneratigut taarsigassarsiat tunniunneqartut utertinnissaat ajornassammata. Taamatut aaqqiissuteqarneq taamaattunik illunik pisiortorfiusunut annerusumik pitsaaquteqassaaq innuttaasunut illuliornerunani kommunimut nalorninarloqarnerulluni.

Naleqassutsimik asuliinnartoqaratarsinnaaneq

INI A/S Kalaallit Nunaanni Namminersorlutik Oqartussat sinnerlugit illuliornermissamut ingerlatsisuuvoq Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersumut oqaaseqaatinut tunngatillugu ilisimatitsivoq illunik piginnittut illutik qimattaraat tamannalu ajornartorsiutaasoq. Illunik sanilerisaniit allaniilluunniit piserusuttunik INI



saaffigineqartarpoq illut inigineqannginnerat pissutigalugu piginnittup nalunaaruteqaqqaarani illu qimattarmagu. Nuna tamakkerlugu illut sanaqataalluni naammassisat piginnittunit qimanneqarsimasut 160-it 2016-imi INI-mit nalunaarsorneqarsimapput. Assersuutigalugu illunut sanaqataaffiusunut aaqqiissutaasimasoq malillugu 1,2 mio. kr.-inik sanaartornermut atortussanik taarsigassarsititsisoqarpat, ukialuillu qaangiunnerini affai akilersorneqareerlutik (illumut ataatsimut 0,6 mio. kr.) taava illuliornermut atorineqanngitsunut 100 mio. kr.-ingajaat taarsigassarsiassatut tunniunneqarput. Sermersuumi ingerlatsivimmit naliliineq naapertorlugu illut sanaqataaffiusut akii nammineq illuliornermit qaffasinnerungaatsiarmata 2016-imiilli asuliinnarnissaat qaffariaateqarujussuarsimavoq.

1990-imiit 2003-p tungaanut nalunaarsuineq naapertorlugu 2018-imi inatsimmit oqaaseqaatit ilanngullugit piffissami pineqartumi nammineq illuliat tallimaagaangata ataaseq naammassineq ajorpoq. Taakkulu saniatigut illut piginnittumit qimanneqartut INI-mit ilisimaarineqartut taaneqassapput. Naatsorsuutigisariaqarpoq illut piginnittumit qimanneqartut eqqarsaatigalugit suli amerlanerujussuussasut ilisimaneqanngitsut. Ingerlatsivimmiit naatsorsuutigisariaqarpoq sanaqataalluni illuliat ikinnerpaamik 20%-ii naammassineqarsimanngikkunik taarsigassarsiffiusup nalaani qimanneqarsimasassasut.

Taarsigassarsinerit taarsigassarsinertut ernialersugaanngitsutut akilersugassaanngitsutullu aaqqiissut malillugu kommunalbestyrelsimit taarsigassarsiarineqartut. Taarsigassarsiat sivissussasut ukiut 20-t Taarsigassarsiat ukiut tamaasa pissarsiassartaasa annertussasut naligiimmik ingerlanneqarneri siumut allattugaapput. Taarsigassarsiat siumut allattugaasut imaanngilaq illumik piginnittup inatsimmi piumasaqaataasut malimmagit akilersugassaassanngitsut, taamaassappat illu kommunimit akeqanngitsumik tunniunneqassaaq.

Taarsigassarsineri akilersuinerup nalaani najugaqartussaataaneq pillugu piumasaqaatini piumasarineqartoq innuttaasumut ajornartorsiutaasinnaavoq. Tamatuma qularnanngitsumik kingunerissavaa, innuttaasooq illumut ukiut 20-t sinnerlugit pituttorsimasunngornera imaluunniit innuttaasup najugaqartussaataaneq avaqqullugu akilersorsinnaanngisaminik taarsigassarsiassaqaalerneru.

Matumani eqqumaffigeqquneqassaaq, illut niuernermit nalingi amerlasuutigut sanaartorneqarneranit 10%-it ataallugit inissisimassammata, taamaalillutik kommunimit innuttaasumulluunniit illut taarsigassarsiassanut qulakkeerutaasinnaanatik. Pisortat sanaartortitaat attartortagaq allanut attartortinneqarsinnaajuaannassaaq taamaalillunilu ataavartumik iluaqutaasumik ingerlaavarnissaq qulakkeerneqassalluni.

Illut ataasiakkaat sanaartussagaanni ass. uiguleriiaat imaluunniit inissiat pinnagit aningaasartuutaanerusussaapput, suliammi aallartittarnerinut sanaartorfissagissaanernullu aningaasartuutit inissianut arlalinnut agguataarneqarsinnaanngillat. Taamaattumik uiguleriiaat inissialluunniit attartortittagassat Iserit aqputigalugu sanaartortitsinermit kommunip atugassaanik pitsaanerusumik atisoqarsinnaavoq. Pisortat attartortittagai innuttaasunut eqaannerusumik inissisimallutillu inissiamut ataatsimut akigissaarnerupput, taamaammatt innuttaasumut kommunimullu soqutiginartuulluni.

### Naliliineq

Ingerlatsivimmiit siuliani taaneqartut tunngavigalugit naliliineq imaappoq, sanaqateqarluni illulianut aaqqiissut innuttaasumut kommunimullu aningaasatigut pitsaanngitsumik nalorninartumiisitsivoq, peqatigitillugulu ingerlatsivimmit nalilerneqarluni aaqqiissummi piumasaqaatinik naammassinnissinnaasut innuttaasut amerlanngitsut. Ingerlatsivimmiit naliliineq naapertorlugu sanaqateqarluni illuliornermut aqqiissuussaq kommunimit anguniarneqartariaqanngitsooq,



matumani kommunip inissialiortiternerani imaluunniit innuttaasunut taarsigassarsititsilluni ikiuinermi.

### **Ingerlatsivimmit aningaasatigut sulisoqarnikkullu naliliinerit**

Sanaqateqarluni illuliortiternerq aallutissallugu kommunimut aningaasatigut sulisutigulluunniit pitsaaqutitaqanngilaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit allanik oqaaseqaatissaqanngilaq

### **Inatsisitigut tunngavissaq allakkallu tunngaviusumik uppersaatillit**

- Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq
- Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat nr. 40, 28. november 2019-imeersoq

### **Siusinnerusukkut aalajangiinerit**

*Sanarfinermut Avatangiisinullu Ataatsimiititaq, 19.01.23:*

Ilisimatitsissut tusaatissatut tiguneqarpoq.

### **Ilanngussat**

Soqanngilaq.

## **Punkt 8: Qinngutsinni oqquiffissanik sisamanik tunniussineq, Nuuk**

### **Beslutning**

Inassuteqaat akuersissutigineqarpoq.

### **Bilag**

Oqquiffissat sisamat tamanut suliariumannittussarsiuunneqarnerat pillugu allagarsiussaq

Nuummi Najukkami Ataatsimiititaliap 2022-mi aningaasanik atugaanik takussutissaq

## Qinngutsinni oqquiffissanik sisamanik tunniussineq, Nuuk

Aalajangiiffigisassaq

SagsID.: EMN-2022-09737

Suliffeqarfimmut Kiffartuussivik - vicekommunaldirektøri Marie Fleischer / MAFL

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsionermullu

Ataatsimiititamut inassutigineqarpoq:

- Qinngutsinni oqquiffissat sisamat Sanarfinermut Avatangiisinullu Ingerlatsivimmut tunniunneqarnissaat akuerineqassasoq
- oqquiffissat taakkua sisamat peerneqarnissaasa tungaanut ukiumoortumik 100.000 kr-it Sanarfinermut Avatangiisinullu Ingerlatsivimmut Nuummi Najukkami Ataatsimiititap aningasaliissutaaningaanniit nuunneqartassasut akuersissutigineqassasoq
- suliaq ilisimatitsissutit Sanarfinermut Avatangiisinullu Ataatsimiititamut ingerlateqqinneqassasoq

### Suliassamik saqqummiussineq

Nuummi Najukkami Ataatsimiititaliaq 2019-imi aalajangerpoq oqquiffissanik pisinissaminut, taakkuali ingerlanneqarnissaannut aningaasartuutissat pilersaarusionerqarsimangillat.

Ileqqoreqqusaq malillugu aningaasaliissutinik atuinermi Nuummi Najukkami Ataatsimiititaliamit pingaartinneqassaaq:

- Aaqqissuussat najukkami najugaqartunut ataatsimoornerulersitsisut inooriaatsimillu ilorraap tungaanut saatitsinnaasut.
- Aaqqissuussat, illoqarfiup immikkoortuani innuttaasut, atuisut paaqqinnittarfiillu qassinilluunniit ukioqaraluartut, qanoq tunuliaqutaqaraluartut allaanerussuteqaraluartut akornanni oqaloqatiginnilersitsisut aamma/imaluunniit atassuteqalersitsisut
- Aaqqissuussat, illoqarfigisami innuttaasut akornanni, atuisut akornanni, suliffeqarfiit akornanni, ataatsimoortukkaani assersuutigalugu utoqqaat, meeqqat, angajoqqaat imaluunniit ataatsimoorfiusartut arlaatigut anguniagaqarlutik pitsaanerulersitsinissaq anguniarlugu sulissuteqartartut.
- Aaqqissuussat neqeroorutillu kulturikkut, nipilersornikkut, timersornikkut eqqumiitsuliornikkut sunngiffimmilu sammisassaqartitsinikkut siunertarineqartut pitsaanerulersinnissaannut ineriartortinneqarnissaannullu tunngassuteqartut.
- Agguaanneqartussatut aningaasaliissutit aamma tusarniaassutitut tamanut ammasumik ingerlatitassanut, workshops-inut, suliniutinut, aaqqissukkanut allanut sulianulluunniit Najukkami Ataatsimiititaliap pilersitaanut atorineqarsinnaapput

Qulaani taaneqartut imatut paasisassaapput, Nuummi Najukkami Ataatsimiititaliap sammisassat suliniutillu qitiutissagai, taamaattumik oqquiffissat ingerlanneqarnissaat allanut tunniunneqassasoq kissaatigineqartoq. Tamanna tunngavigalugu Nuummi Najukkami Ataatsimiititaliamit oqquiffissat taakkua sisamat tamanut suliariumannittussarsiuunneqarput piffissami 11.11.2022-miit 12.12.2022-mut, tamanna pivoq Kommuneqarfik Sermersuup nittartagaatigut kiisalu Nuuk Ugeavisikkut (ilanngussaq 1). Saaffiginnissuteqartoqanngimmat soqutiginnittoqaraniluunniit, Suliffeqarfimmut Kiffartuussivik innersuussuteqarpoq oqquiffissat taakkua sisamat Sanarfinermut Avatangiisinullu Ingerlatsivimmut tunniunneqassasut.

Suliffeqarfimmut Kiffartuussiviup kissaatigivaa oqquiffissat innuttaasunit tamanit atorneqarsinnaanissaat aamma ingerlatsivik taakku aserfallatsaalineqarnissaannik ingerlanneqarnissaannillu isumaginnittuussasoq.

### **Ingerlatsivimmit aningaasatigut sulisoqarnikkullu naliliinerit**

Nalilerneqarpoq aserfallatsaaliuineq, ingerlatsineq, allaffissorneq kiisalu oqquiffissat taakkua sisamat pillugit naatsorsuutigineqanngitsunik aningaasartuutit ukiumut 100.000 kr.-nik naleqassasoq.

Nuummi Najukkami Ataatsimiititaliamut ukiumoortumik 3.470.000 kr-it immikkoortinneqartarput (ilangussaq 2). Suliffeqarfimmut Kiffartuussiviup innersuussutigivaa, qulaani aningaasartuutit taaneqartut Nuummi Najukkami Ataatsimiititaliamit matussuserneqartassasut taakku atorunnaarnissaasa tungaanut.

### **Suliffeqarfimmut Kiffartuussivimmit aningaasatigut naliliineq**

Aningaasaliissutigineqartut eqqarsaatigalugit aaqqiissutip iluaqutaassusaa atorneqarneralu ukiumoortumik naliliivigineqartassasoq innersuussutigineqarpoq.

### **Inatsisitigut tunngavissaq allakkallu tunngaviumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Najukkami Ataatsimiititaliamut ileqqoreqqusaaq
- Najukkami Ataatsimiititaliap suleriaasissaa

### **Ilangussat**

1. Oqquiffissat sisamat tamanut suliariumannittussarsiuunneqarnerat pillugu allagarsiussaq
2. Nuummi Najukkami Ataatsimiititaliap 2022-mi aningaasanik atugaanik takussutissaq

## **Punkt 9: Iserit A/S-ip aamma NCD A/S-ip akornanni kattunnissaq**

### **Beslutning**

Inassuteqaatini siulleq amerlanerussuteqartunit (IA, N aamma D) akuersissutigineqarpoq. Inassuteqaat ikinnerussuteqartunit (S) itigartitsissutigineqarpoq. Siumumit ikinnerussuteqartutut oqaaseqaat: Siumut godkender ikke den endelig fusion af NCD og Iserit på belyste grundlag. Der er ikke belyst hvad den samlede omkostning for samfundet har været for oprettelsen af NC, hvilket vi mener bør fremkomme. Siumut henviser ydermere til mindretalsudtalelse fra 16. Maj 2022 i AIA og 23. Maj 2022.

Inassuteqaatit aappaat amerlanerussuteqartunit (IA aamma N)akuersissutigineqarpoq. Inassuteqaat ikinnerussuteqartunit (S aamma D) itigartitsissutigineqarpoq.

### **Bilag**

Kommunalbestyrelsimi ataatsimiinneq 23-05-22. Immikkoortoq 2. Kommunip suliffeqarfiutai

## Iserit A/S-ip aamma NCD A/S-ip akornanni kattunnissaq

Aalajangiiffigisassaq

SagsID.: EMN-2022-01268

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsionermullu

Ataatsimiititamut inassutigineqarpoq:

- Siorarsiorfik – Nuuk City Development A/S Iserit A/S-ilu, ingerlatseqatigiiffiit marluusut kattunneqarnissaasa inaarutaasumik akuersissutigineqarnissaannut immikkut ittumik ataatsimeersuartitsinissamut allaffeqarfiup pisinnaatinneqarnissaa akuersissutigineqassasoq
- siuliani pineqartumut uppersartaatit borgmesterimit aamma kommunaldirektørimit atsiorneqarnissaat akuersissutigineqassasoq
- suliaq aalajangiiffigisassatut Kommunalbestyrelsimut ingerlateqqinneqassasoq

### Suliassamik saqqummiussineq

23. maaji 2023-mi Kommunalbestyrelse immikkut ittumik ataatsimiinnermi immikkoortoq 2-mi Kommunip suliffeqarfiutai pillugit oqaluuserisaqarnermi ingerlatseqatigiiffiit Siorarsiorfik – Nuuk City Development A/S Iserit A/S-ilu 01.01.2022-mi atuutilersumik kattunneqassasut, Iserit A/S-ilu ingerlaannassasoq aalajangerpoq.

### Ingerlatsivimmit aningaasatigut sulisoqarnikkullu naliliinerit

Kommunip aktieselskabiutaata kommunip aktieselskabiutaanik allamik tigusinera taamaallaat pineqarmat, kattussineq kommunimut aningaasaqarnikkut kinguneqartitsissanngilaq.

Aktieselskabimut ingerlaannartussamut Iserit A/S-imut kattussineq ingerlatseqatigiiffimmut aningaasaqarnikkut patajaannerulersitsissaaq, ingerlatseqatigiiffiup kattussinermi NCD A/S-ip inissiaatai attartortittakkat tigusussaammagit.

### Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup saqqummiussaqaq tamakkiisutut isigaa. Taamaammat inassutigineqarpoq taanna akuerineqassasoq, suliarlu Kommunalbestyrelsimut aalajangiiffigisassanngorlugu ingerlateqqinneqassasoq.

### Inatsisitigut tunngavissaq allakkallu tunngaviumik uppersartaatillit

- o § 236 Aktie aamma anpartsselskabit pillugit inatsisip Kalaallit Nunaanni atulersinnera pillugu peqqussut Nr. 486, 14. maj 2018-imeersoq

### Ilanngussat

1. Kommunalbestyrelsimi ataatsimiinneq 23-05-22. Immikkoortoq 2. Kommunip suliffeqarfiutai

## **Punkt 10: Illunik tigusinissamut taarsigassarsinissaq**

### **Beslutning**

Inassuteqaat amerlanerussuteqartunit (IA, N aamma D) akuersissutigineqarpoq.

Inassuteqaat ikinnerussuteqartunit (S) itigartitsissutigineqarpoq. Siumumit ikinnerussuteqartutut oqaaseqaat: Siumut godkender ikke indstillingen. Siumut har stillet krav om uvildig udvidet revisionundersøgelse om NCD og om kommunalfuldmagten er overholdt og andre dispositioner under og før resultatet af dette foreligger støtter Siumut ikke forslaget.

### **Bilag**

Aningaasaqarnermut Naligiissitaanermullu Naalakkersuisumit taarsigassarsinissamut akuersissut

Kommunalbestyrelsimi ataatsimiinneq 23-05-22. Immikkoortoq 2. Kommunip suliffeqarfiutai

## Illunik tigusinissamut taarsigassarsinissaq

Aalajangiiffigisassaq

SagsID.: EMN-2022-01268

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsionermullu

Ataatsimiititamut inassutigineqarpoq:

- kommunimiit Nykredit Realkreditimut taarsigassarsisoqarnissaa akuersissutigineqassasoq, Nuuk City Development A/S-imiit illuutit uku atortuulersinneqarnissaannut tiguneqarnissaannut aningaasaliinissaq pillugu: Meeqqueriviit pingasut, Qatserutaasivik halilu savimineq
- Nuummi illoqarfiup qeqqani meeqqeriviit atuarfillu sanaartorlugit ingerlanneqartut naammassiniarnissaannut kommune sanaartornermi taarsigassarsinissaa akuersissutigineqassasoq
- Nuummi illoqarfiup qeqqani meeqqeriviup atuarfiullu atortuulersinneqarnissaannut sanaartornermullu atatillugu taarsigassarsiat akilerneqarnissaannut kommune Nykredit Realkreditimut taarsigassarsiniarnissaa akuersissutigineqassasoq
- siuliani taarsigassarsinermut tunngasunut uppersaatait borgmesterimit aamma kommunaldirektørimut atsiorneqarnissaat akuersissutigineqassasoq
- siuliini taaneqartunut atatillugu piginnittuunermut uppersaatait aamma Ístak H/F-ilu suliarinnittussaannermut Isumaqatigiisummut tapiliussa q borgmesterimit aamma kommunaldirektørimut atsiorneqarnissaat akuersissutigineqassasoq
- siuliani taarsigassarsinermut tunngasunut uppersaatait sinneri borgmesterimit aamma kommunaldirektørimut atsiorneqarnissaat akuersissutigineqassasoq
- suliaq aalajangiiffigisassatut Kommunalbestyrelsimut ingerlateqqinneqassasoq

### Suliassamik saqqummiussineq

Kommunalbestyrelse 23. maaji 2022-mi immikkut ittumik ataatsimiinnermi immikkoortup 2-p

Kommunip suliffeqarfiutai pillugit oqaluserinninnermi aalajangerpoq, Siorarsiorfik - Nuuk City Development A/S-imiit illut ingerlanneqartunut (atuarfik meeqqeriviillu) attuumassuteqartut sanaartugassatut pilersaarutit ingerlanneqartut naammassereertullu kommunimit tiguneqassasut. Illut pigisat atulersinneqarsimasut piginnittuunermut uppersaatait kommunimut tunniunneqassapput, sanaartukkallu ingerlasut suliarinnittussaannermut isumaqatigiisummi tapiliussakkut tunniunneqarlutik.

Erseqqissumik oqaatigalugu sanaartorlugit naammassineqareersut kiisalu sanaartorlugit ingerlasut ukuupput:

- ✓ Illoqarfiup qeqqani atuarfik nutaaq (sanaartorneqarpoq)
- ✓ Illoqarfiup qeqqani meeqqerivik (sanaartorneqarpoq)
- ✓ Qapiarfiusaami meeqqerivik (atulereerpoq)
- ✓ Inussiviup eqqaani meeqqerivik (atulereerpoq)
- ✓ Meeqqerivik Maligiaq (atulereerpoq)
- ✓ Qatserutaasivik (atulereerpoq)
- ✓ Hali savimineq (pisiarineqareerpoq)

### Ingerlatsivimmit aningaasatigut sulisoqarnikkullu naliliinerit

Siusinnerusukkat misissuinerit kommunimit ingerlanneqartut naapertorlugit paasinarsivoq,

ingerlatseqatigiiffik NCD A/S aqutigalugu aningaasaliinnermiit kommune nammineerluni taarsigassarsissagaluaruni aningaasartuutikinnerussasoq. Kommune nammineq akiliinissaa NCD A/S-ip akiligassaaniit affaannaanik annertussuseqassaaq. Tassungalu ilanngullugu kommune

taarsigassarsineq aqutugalugu 100%-imik aningaasaliisnaavoq, akerlianilli NCD A/S taarsigassarsinermigut 60%-iinnarmik angusaqarfigisnaallugu. Tamatuma saniatigut kommune taarsigassarsiffigisamut qularnaveeqquseqqaartariaqassannginnami ataatsimut isigalugu katillugit 13,5 mio. koruuninik naqissusiisitsinissamut sipaaruteqassaaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussiviup saqqummiussaq tamakkiisutut isigaa. Taamaammat inassutigineqarpoq taanna akuersissutigineqassasoq, suliarlu Kommunalbestyrelsimut aalajangiiffigisassanngorlugu ingerlateqqinneqassasoq.

### **Inatsisitigut tunngavissaq allakkallu tunngaviusumik uppersaatillit**

- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq § 6

### **Ilanngussat**

1. Aningaasaqarnermut Naligiissitaanermullu Naalakkersuisumit taarsigassarsinissamut akuersissut
2. Kommunalbestyrelsimi ataatsimiinneq 23-05-22. Immikkoortoq 2. Kommunip suliffeqarfiutai

# **Punkt 11: Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq**

## **Beslutning**

Inassuteqaat akuersissutigineqarpoq.

## **Bilag**

Angalaneq pillugu nalunaarussiaq

Civitas Advokaterinit saqqummiussaq

Komponentimit saqqummiussaq

By & Havnimit saqqummiussaq

AP Pensionimit saqqummiussaq

AAB-boligforeningimit saqqummiussaq

Afdelingen for Bæredygtig Udviklingimit (Københavns kommune) saqqummiussaq

Naturskolen (Københavns kommune) pillugu saqqummiussaq

Bæredygtig Generation (Københavns kommune) pillugu saqqummiussaq

Illoqarfik piujuartitsisoq pillugu Living Labs for den bæredygtige by (Københavns kommune) pillugu saqqummiussaq

Pujuartitsineq pillugu DTU-mit saqqummiussaq

Arctic DTU pillugu DTU-mit saqqummiussaq

# Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq

Danmark, 2022

Aalajangiiffigisassaq

SagsID: EMN-2022-09056

Suliffeqarfimmut Kiffartuussivik - kommunaldirektøri Ole Jakobsen / OJAK

## Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- angalanermit nalunaarussiaq akuersissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

## Suliassamik saqqummiussineq

Aningaasaqarnermut Inuussutissarsiornermullu Ataatsimiititap ulluni 11. - 18. novembari 2022-mi Danmarkimut angalavoq.

Ataatsimiititap angalaneranut siunertat arlaqarput. Ataatsimiititami ilaasortat allat misilittagaannik ilisimasaqarnerulersinnaapput aamma/imaluunniit isumassarsislinnaapput, ukuninnga:

- politikikkut aqutsineq, kiisalu politikikkut suliaqarnermi ajornartorsiutit aaqqiissutissatullu periarfissat
- illoqarfimmik ineriartortitsineq, najugaqariaatsit inissiallu suussusai pingaartinnerullugit (isumaginninnikkut oqimaaqatigiissitsineq)
- kommunip naalagaaffiullu akornanni suleqatigiinneq
- sanaartornissamut pilersaarutinik aningaasaliisoqarnissaannut periarfissat
- ilisimasatigut sulinikkullu piujuartitsineq

Aningaasaqarnermut Inuussutissarsiornermullu Ataatsimiititamit peqataapput Borgmesteri Avaaraq Olsen (siulittaasoq), Juaaka Lyberth (ilaasortaq), Uju Petersen (ilaasortaq), Ken Madsen (ilaasortaq), Justus Hansen (ilaasortaq) aamma Inga Dóra G. Markussen (ilaasortaq). Tamatuma saniatigut allaffeqarfimmit peqataapput Ole Jakobsen (kommunaldirektøri), Marie Fleischer (vicekommunaldirektøri), Christina Heilmann Rasmussen (allatseqarfimmi pisortaq), aamma Anna Rún Ólafsdóttir (ataatsimiititami ataqatigiissaarisq).

Aningaasaqarnermut Inuussutissarsiornermullu Ataatsimiititap angalanerminnit paasisatik ataatsimiititami suleriaqqinnerminni atussavaat.

## Ingerlatsivimmit aningaasatigut sulisoqarnikkullu naliliinerit

2022-mi ataatsimiititap angalanissaannut katillugit 350.000 koruunit immikkoortinneqarnikuupput.

## Suliffeqarfimmut Kiffartuussivimmit aningaasatigut naliliineq

Pisariaqanngilaq.

## Inatsisitigut tunngavissaq allakkallu tunngaviusumik uppernarsaatillit

- Ataatsimiititap suleriaasia

## Ilanngussat

1. Angalaneq pillugu nalunaarussiaq
2. Civitas Advokaterinit saqqummiussaq
3. Komponentimit saqqummiussaq

4. By & Havnimit saqqummiussaq
5. AP Pensionimit saqqummiussaq
6. AAB-boligforeningimit saqqummiussaq
7. Afdelingen for Bæredygtig Udviklingimit (Københavns kommune) saqqummiussaq
8. Naturskolen (Københavns kommune) pillugu saqqummiussaq
9. Bæredygtig Generation (Københavns kommune) pillugu saqqummiussaq
10. Illoqarfik piujuartitsisoq pillugu Living Labs for den bæredygtige by (Københavns kommune) pillugu saqqummiussaq
11. Piujuartitsineq pillugu DTU-mit saqqummiussaq
12. Arctic DTU pillugu DTU-mit saqqummiussaq

## **Punkt 12: Inuusuttut Kommunalbestyrelsianut najoqqutassatut nutaatut siunnersuut**

### **Beslutning**

Inassuteqaat akuersissutigineqarpoq.

### **Bilag**

Meeqqat atuarfiini Inuusuttut Kommunalbestyrelsiannut ileqqoreqqusat

## Inuusuttut Kommunalbestyrelsianut najoqqutassatut nutaatut siunnersuut

Aalajangiiffigisassaq

Suliamut ID: EMN-2023-00245

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Aningaasaqarnermut Inuusutissarsiornermullu

Ataatsimiititamut inassuteqaatigineqarpoq:

- najoqqutassat nutaat, ilaasortat katitigaanerat Inuusuttullu Kommunalbestyrelsiata imarisai akuersissutigineqassasut
- malittarisassat nutartikkat akuersissutigineqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

### Suliassamik saqqummiussineq

Kommuneqarfik Sermersuumi Inuusuttut Kommunalbestyrelsiat (Inuusukombest) siullermik 2018-imi pilersinneqarpoq.

Tassani pingaarnertut meeqqat inuusuttullu kikkut tamat oqartussaassuseqarlutik ingerlaaseqarnerannik ilisimasaqarnerulernissaat, kommunip suliaanik suliniutaanillu, minnerunngitsumillu kommunimi meeqqat inuusuttullu meeqqanut inuusuttunullu tunngasunik politikikkut aalajangiinernerme sunniteqarnerulernissaat siunertarineqarpoq.

Ilaasortat illoqarfigisaminni imaluunniit nunaqarfigisaminni, tassa Paamiuni, Nuummi, Ittoqqortoormiini, Tasiilami kiisalu nunaqarfigisaanni meeqqat inuusuttullu sinnerlugit oqaaseqartartuupput.

Inuusuttut Kommunalbestyrelsiata nutarterneqarneranut atatillugu, qinigassanngortittussat, tassa kommunimi 7, 8, 9, klassimi atuartut aamma inuusuttut ilinniarfianni 18-it inorlugit ukiullit (tassunga ilanngullugit GUX, Majoriaq, KTI aamma NI) ukiut marlukkuutaarlugit paarlakaatsinneqartassasut, kommunalbestyrelsimut 2020-mi februaarip 25-ani akuersissutigineqarpoq.

Taamaattumik qinigaaffimmi 2022/23-mi inuusuttut ilinniarfiini atuartut Inuusuttut Kommunalbestyrelsiannut qinigassanngortittussanngorput.

Pisortaqatigiit 2022-mi aggustimi atuartut 18-it inorlugit ukiullit qanoq amerlatigisut aallartissanersut Inuusuttullu Kommunalbestyrelsianni peqataanissamut soqutiginnittoqarnerasoq paasiniaarlugu Majoriaq Ittoqqortoormiinut, Majoriaq Tasiilamut, Majoriaq Paamiunut, Majoriaq Nuummut, Niuernemik Ilinniarfimmut, KTI-mut, GUX Nuummut Imarsiornermillu Ilinniarfimmut attaveqarput. Ilinniarfiit ukiumi atuarfiusumi nutaami atuartuutitik qanoq amerlatigisut 16-it 17-illu akornanni ukioqarnerisut ilisimatitsissutiginiikuaat.

Majoriaq Nuuk	Majoriaq Paamiut	Majoriaq Tasiilaq	Majoriaq Ittoqqortoormiit	NI	KTI Nuuk	GUX Nuuk	Imarsiornermik Ilinniarfik
Piareersarfimmi 15 + 5-it	Piareersarfimmi 8 + 1-it	Piareersarfimmi 4 + 6-it	2	-	2	97	-

Niuernermik Ilinniarfiup ilinniartuutini ukioqatigiiaanik taakkuninnga ukiullit ikippallaarmata peqataanissamut soqutiginninnani nalunaarpoq.

Inuusuttut Kommunalbestyrelsiannut ilaasortanik amerlanernik pissarsisinnaaniassagatta aamma Imarsiornermik ilinniarfik attaviginikuuarput kiisalu Piareersarfimmud peqataanissaminut soqutiginninersut apeqquteqaateqarnikuulluta. Imarsiornermik Ilinniarfik decembarimi misilitsinnissap tungaanut pimoorussamik atuartitsineramik qaammatinik tallimanik sivilissusilimmik ingerlatsissagami Inuusuttut Kommunalbestyrelsianni peqataassanatik nalunaarput. Illoqarfinni assigiinngitsuni Majoriat Piareersarfinni atuartut 18-it inorlugit ukiullit amerlassusaat paasissutissiissutigivaat.

#### Inuusuttut ilinniarfiini ajornartorsiutit

Ilinniakkap ingerlarnga: KTI-p inuussutissarsiutinut ilinniagaqarfiini atuagarsorneq suliffimmillu misililineq paarlakaanneqartarput. Atuagarsornerit nalinginnaasumik ukiaaneranit upernaamut ingerlanneqartarput.

Majoriami atuartut aggustimi aallartittarput atuarnertu ukiuq affakkaarluq ingerlanneqartarluni. Atuartut ilaat ukiup affaata qaangiunnerani ilinniarnermikk unitsitsissallutik aalajangertarput ilaasalu ukiup affaata siulliup kingorna ingerlaqqissallutik aalajangertarlugu. Nuummi Majoriap inuusuttut Majoriami atuarlutik aallartittartut "nammataqangaatsiartartut" taamaattumillu amerlasuut Inuusuttut Kommunalbestyrelsiannut qinigassanngortinnissaminut inissaqartitsinaviannngitsut nalunaarutiginiuuua.

Taamaatitsiinnerit: Ilinniarfinni tamani taamaatitsiinnerit pisarput, taamaattumik qinikkat qinigaaffiup ingerlarnga tamaat peqataassinnaanersut qulakkeerneqarsinnaanngilaq.

Atuanngitsoornerit: Ilinniarfiit atuanngitsoortoqartartoq allapput.

KTI-p Inuusuttut Kommunalbestyrelsianni ataatsimiinnerit atuanngitsoornertut nalunaarsorneqartassasut nalunaarutigaa.

GUX-ip soqutigineqarnersoq takoqqaarlugu atuanngitsoorneq akuerineqarsinnaanersoq aalajangiiffigerusuppaa.


#### Aaqqiissutissatut siunnersuut – suliatiqut naliliineq

Paasissutissat pissarsiarineqartut aallaavigalugit najoqqutassat iluarsaatat, ilaasortat katitigaanerat aammalu Inuusuttut Kommunalbestyrelsiata imarisai imaattunik imaqartut:

- Inuusuttut Kommunalbestyrelsiat ukiumi atuarfiusumi 23/24-mi meeqqat atuarfiini, inuusuttut ilinniarfiini ilanngunnagit ingerlateqqinneqassasoq
- Inuusuttut Kommunalbestyrelsiat kommunip pilersaarusiornermut periusissiassaani qitiutinneqartut arfinillit najoqqutassartaat malillugit sulissasut
- ukiut atuarfiusut aappaanni qinersisoqartassasoq, naapillutillu ukiut atuarfiusut aappaanni ataatsimiittassasut. Ukiumi atuarfiusumi ukiup affaani siullermi, atuarfiit Tamat oqartussaaqataanerit pillugu ulloqartitsinerinut atatillugu qinersineq ingerlanneqartassaaq. Ukiumoortumik ataatsimiinnerit ukiumi qinigaaffimmi siullermi ukiumi atuarfiusumi ukiup affaata aappaani pisassapput (ukiukkut/upernaakkut), tamannalu ileqqoreqqusani ilanngunneqassaaq. Takussutissaq 1 takuuk
- ukiumi qinigaaffiusumi kingullermi ukiumi atuarfiusumi ukiup affaani siullermi innersuussutigisassatut tunniussat pillugit oqarasuaatikkut malitseqartitsineramik/killiffissiuinermik naggasiisoqartassasoq
- allaffeqarfik kommunip nittartagaani atuarneqarsinnaasumik kommunalbestyrelsimullu ingerlateqqinneqartussamik qinigaaffik pillugu nalunaarusiussasoq



### Takussutissiaq 1.



### **Ingerlatsivimmit aningaasatigut sulisoqarnikkullu naliliinerit**

Ukioq allortarlugu 500.000 koruunit missaat aalajangiusimaneqassapput.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunalbestyrelsip inuusuttut kommunalbestyrelsiat pillugu siunnersuummik, juunimi 2017-imeersumi akuersissutaa
- Kommunalbestyrelsip inuusuttut kommunalbestyrelsiat pillugu nutarterinermik, februaarimi 2020-meersumi akuersissutaa
- FN-ip Meeqqat pillugit isumaqatigiissutaat 1992-imeersoq malinniarlugu meeqqat pillugit aalajangiinermut atatillugu meeqqat ajunnginnerpaanik atugaqarnissaat pingaartinneqassasoq, aammalu meeqqat sunniuteqaqataasinnaanerat aalajangeeqataasinnaaneralu pingaartillugit. Isumaqatigiissuttaaq naapertorlugu meeqqat inuusuttullu innuttaasutut pisinnaatitaaffillitut pisussaaffillitullu akuerineqarnissaat anguniarneqarpoq, kiisalu meeqqat inuusuttullu isiginnittaatsimi saqqummersinnissaannut pisinnaatitaaffii ilanngullugit, aamma aalajangiisartut tamakkununga attuumassuteqartunut tunngatillugu aalajangiinermi tamakku isiginnittaatsit pingaartissagaat pisussaaffeqarput

### **Ilanngussat**

1. Meeqqat atuariini Inuusuttut Kommunalbestyrelsiannut ileqqoreqqusat

## **Punkt 13: Kommunimut pilersaarummut tapiliussatut siunnersuut 2B1-2 Industrivej, Nuuk**

### **Beslutning**

Inassuteqaat akuersissutigineqarpoq.

### **Bilag**

Kommunimut pilersaarummut tapiliussatut siunnersuut 2B1-2 Industrivej, Nuuk

## Kommunimut pilersaarummut tapiliussatut siunnersuut 2B1-2 Industrivej, Nuuk

Aalajangiiffigisassaq

SagsID.: EMN-2022-08751

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 2B1-2 Industrivej, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit matumuuna kommunimut pilersaarummut tapiliussatut siunnersuut 2B1-2 Iggiaa, Nuuk, matumuuna saqqummiunneqarpoq.

Immikkoortup ilaa 2B1 7,6 ha. miss. kangerliumanermiippoq, nunniugaq kimmud quassugaq, (2C2 Issortarfik), avannamut sanaartorfiunngitsaq aamma kangimut (2D3 Nuussuup Manngua) kiisalu illoqarfiup ilaanut Nuussuaq killigalugit. Immikkoortup ilaa atuuffinnik assigiinngitsunik peqarpoq, ilaatigut inuussutissarsiuteqartunut sullissisuullutillu innuttaasunik aamma sullitaqartunik. Immikkoortoq inuussutissarsiutinut siunertanut tassa peqqumaasiveqarfittut, sannaveqarfittut, biilearniarfittut, angallassinermut aammalu siammarterinermut, suliffeqarfinnut ataasiakkaanut, allaffeqarfinnut aamma aalajangersimasunik nioqquteqarnermut atorneqartussatut aalajangersagaavoq.

Kommunimut pilersaarummut tapiliussaq una immikkoortup ilaanut pilersaarummik nutarterineruvoq, inuussutissarsiuteqarfittullu atuuffianik attassinissamut kiisalu piffissamut naleqquttumik ineriartortitsinissap qulakkeerneqarnissaa siunertaavoq.

Kommunimut pilersaarut 2032 naapertorlugu inuussutissarsiuteqarfinnik pisariaqartitsineq matussuserneqassaaq qorsooqqissut ajornerulersinnagit. Tamatuma imaraa attaviit pioreersut tikinneqarsinnaaneri ersarissuunerilu atuutiinnassasut.

Pilersaarummi siunertat tunngaviillu:

- Nunaminertat arlallit akornanni sanaartorfissat ataatsimoortinneqarnissaat periarfissiissutigineqassasut
- Sanaartorfissanik atugassiinissaq, sisamanik quleriilinnik sanaartornissamut periarfissaqarfiusunik
- Angallannikkut isumannaatsuunissap qulakkeernissaa aamma pisuinnaat assigisaallu immikkoortukkoorsinnaanerisa pitsaanerulernissaa, tassungalu ilanngullugu Nuussuup Mannguanu aqqusineeqqat pitsaanerulersinneqassapput
- Nakkutilliisunut illut immikkoortumi pilersinneqarnissaanut periarfissaq atorunnaarsinneqassasoq

Kommunimut pilersaarummut tapiliussap nutarternerani immikkoortoq eqeersimaartumik ingerlanneqarnerulissaaq illoqarfimmilu pisariaqartitsineq tunngavigalugu ineriartortitsisoqarnissaa qulakkeerneqarluni.

Kommunimut pilersaarummut tapiliussassatut siunnersuutip matuma akuerineqarneratigut siunnersuut tamanut sapaatip-akunnerini arfinilinni tusarniaassutigineqassaaq.

**Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunitumut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaataillit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunitumut pilersaarut digitaliusoq [www.kp.sermersooq.gl](http://www.kp.sermersooq.gl)

**Siusinnerusukut aalajangiinerit**

*Sanarfinermut Avatangiisinullu Ataatsimiititaq, 19.01.23:*

Inassuteqaat akuersissutigineqarpoq.

**Ilanngussat**

1. Kommunitumut pilersaarummut tapiliussatut siunnersuut 2B1-2 Industrivej, Nuuk

## **Punkt 14: Pilersaarummut qinnuteqaatip Pinguaraq inissiat 48-t inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutitik suliaqarneq

Tusarniaanermi akissutit tiguneqartut

Pilersaarummut qinnuteqaat Pinguaraq, inissiat 60-t

Pilersaarummik piginnittup allagartai

Aningaasaqarneq pillugu nassuiaat

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarutitut qinnuteqaatinik misissuivik

Inatsisartut inatsisaat nr. 34, 9. december 2015-imeersoq

## Pilersaarummut qinnuteqaatip Pinguaraq inissiat 48-t inaarutaasumik akuersissutigineqarnera

Aalajangiiffigisassaq

SagsID: EMN-2022-02624

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- pilersaarummut qinnuteqaat Pinguaraq inissiat 48-t akuersissutigineqassasoq
- etage-mik ilallugu allannguutaa eqqarsaatigalugu kommunimut pilersaarummut tapiliussap suliarineqarneranut atatillugu ilanngunneqarsinnaanera akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsiviup matumuuna pilersaarusiamik piginnittoq Inissat ApS sinnerlugu pilersaarutit qinnuteqaataa Pinguaraq, inissiat 60-t, saqqummiuppaa.

Aallaqqaasiullugu ingerlatsivimmit oqaatigineqassaaq pilersaarut nunaminertami immikkuualuttumik pilersaarusiortunngitsumi inissisimammat.

Pilersaarummut qinnuteqaat tamanut tusarniaassutigisassanngorlugu sapaatit-akunnerini arfineq-pingasuni piffissami 7. september - 2. november 2022-p tungaanut saqqummiunneqarpoq.

Tusarniaanerpup ingerlanerani innuttaasunik paasissutissiineq Katuami ulloq 18. oktobari pivoq, innuttaasut 25-t takkupput. Piffissami tusarniaaffiusumi tusarniaanermut akissutit marluk tiguneqarput, taannalu oqaaseqatigiinnik tunngaviusumilluunniit allannguuteqartitsissanngilaq.

Pilersaarutit siunnersuut piffissami tusarniaassutigineqareerluni pilersaarummik piginnittumit allanngortinneqarpoq imaattunik naqqiissuteqarfigineqarluni:

- Inissialiat maanna tamarmik arfineq-marlunnik qulereeqarput, qaliaat atorineqarsinnaallutik, pilersaarummi arfinilinnik qulereeqaraluartut
- Pilersaarummi inissiat katillugit 60-iupput 48-natik.
- Blokkini immikkut maannakkut marlunnik initallit ataaseq, inissiat 16-it pingasunik initallit, taavalu inissiat 13-it sisamanik initallit, siullermik inissiaq ataaseq marlunnik initalik, inissiat 12-it pingasunik initallit, taavalu inissiat aqqanillit sisamanik initallit
- Aniinganerit marluk ilanngunneqarput qaliaat tamarmik illugiimmik sivingasuullutik, siornatigut aniinganeqarnikuunatik
- Qaliaanni igalaat pilersaarummut siullermut naleqqiullugit amerlanerulerput

Ingerlatsiviup nalilerpaa, allannguutit sumiiffimmut annertunerusumik

allannguuteqartitsissanngitsut, taamaattumillu pilersaarutip akuersissutigineqarnissaa innersuussutigineqarpoq.

Pilersaarummut qinnuteqaamma, Pinguaraq, inissiat 60-it, inissiat blokkit marluk, immikkut arfineq-marlunnik qulereqarput qaliaat atorineqartussat. Blokkit immikkut ataatsimik marlunnik initaqarput, 16-it pingasunik initallit aamma 13-it sisamanik initallit. Blokkit immikkut katillugit 30-nik assigiinngitsunik inissiaqarput. Illup silataasa iigai qorsunnik marlunnik assigiinngitsunik qalipaateqarput.

Immikkuuluttoq 4D11-mi inissisimapput, taannalu ullumikkut Ukkusissat naqqani sanaartorfioqquusaanngitsutut aalajangersagaavoq.

### Illoqarfiup pingaarnertut pilersaarusiorneqarnera

Pilersaarummut qinnuteqaat Pinguaq, inissiat 60-t, Qinnngutsinni inissiaqarfik 4A6-ip nanginneraniippoq. Taamaallilluni pilersaarummi ineqarfinnik eqiterisoqassaaq, tamannalu 2022-mi suleqatigiinnissamut isumaqatigiisummut naapertuuppoq. Angallattut apuuffissaat aqqusineq 4A6-imi aqqusinermut atassuserneqassaaq, blokkinilu najugaqartunut biilit unittarfissaat pilersinneqassapput.

### Illuliortaatsimut taaguutit pingaarnerit

Sumiiffimmi nunap ilusaa annertuallaanngitsumik illut ilusaannut ilusilersueqataassaaq. Illuatungaagullu pilersaarut 4A6-imi blokkinut sanianiittunut marlunnut maanna sanaartorneqartunut ataqatigiilluarput, taakkununga assingungajakkamik. Blokkit taakku sisamat 4A6-imi sanaartukkat sinnerinut illuatungaaniissapput, taakkulu minnerupput, kipparissuussapput ammasutut assigiimmillu qalipaateqartinneqarlutik sanaajupput. Blokkinulli marlunnut saniani inissisimasussanut attuumassuteqarmata inissiaqarfik ataqatigiittutut nanginneqartutut issaaq.

Quleriit tamarmik sisamanik inissiaqarput - teqeqqut tamarmik ataatsimik inissiaqarlutik, taavalu qaliani inissiat marluupput, quitaqartut. Taamatut aqqissuussaana Ukkusissallu qanittuani inissisimanissaat pillugu, qaamasarneri isikkiviillu assigiinngitsuussapput. Inissiat avammut alanngortaaniissapput aamma biilit unittarfiisa, suliffissuaqarfiit kiisalu Ukkusissat tungaannut isikkiveqassapput. Inissiat kujammut sammisut ulluunerani qaamasumiittassapput immallu tungaanut isikkiveqarlutik.

### Inunnut sukisaarsarfinnullu tunngasut

Pilersaarummi silami uninngaartarfimmik sukisaarsaartarfinnik pinnguartarfilinnik, oqquiffiusinnaasunik, grillisararfinnik kiisalu nerrivinnik issiavinnillu takisuunik pilersitsisoqassaaq.

### Pinngortitap assigiinngiiaartuunera aamma silap pissusaanut naleqqussaaneq

Pilersaarummi illut akornanni nuna naasullu pioreersut attatiinnarnissaat anguniarneqassaaq. Taamaattorli biilit unittarfiinut aqqusinermullu nunniortoqassaaq.

### Inerniliineq

Ataatsimut isigalugu immikkoortoq inissianik eqititeriffiussasoq ingerlatsivimmit nalilerneqarpoq. Naak pilersaarut immikkoortuni assigiinngitsuni appasissumik nalilerneqaraluartoq blokkinut marlunnut sanianiittussanut ataqatigiilluartussaapput, taakkulu naleqquttumik inissiaqarfik 4A6-imik nanginneqartussatut isikkoqarpoq. Taamaattorli pilersaarut akuerineqassappat pilersaarummut siunnersuummut ingerlatsivik pingaaruteqarluinnartunik ilanngunneqartariaqartunik oqaaseqaatissaqarput.

Ingerlatsiviup oqaaseqaatai:

- Silami uninngaartarfissat immikkoortumut pingaaruteqarluinnartussaapput, taamaattumillu pingaartinneqarluinnartussaallutik
- Silami uninngaartarfiit nunamut ataqatigiilluinnarnissaat nunallu sapinngisamik mianerineqarnissaa, taamalu illut pinngortitamut qanilluartaunerisa attanneqarnissaat pingaaruteqarpoq
- Silami uninngaartarfimmi sukisaarsaartarfik immikkoortumut pitsaasumik sunnuteqassappat, blokkinu taakkunani sisamani najugaqartunut orniginarsarneqartariaqarpoq
- Inissianit blokkinut sanimut sammisuniit marlunnit nunamut aqqutip tikikkuminartuunissaa qulakkeerneqassaaq, taamaaliornikkut taakanngaaniit illut kujataatungaanut silami uninngaartarfik pisulluni ornikkuminarniassammat

- Inuusuttuniit utoqqarnut tassaniissinnaassapput atorluarlugulu. Ataatsimoorfiusinnaasormi amigaataavoq

Siuliini taaneqartut tunngavigalugit pilersaarummut qinnuteqaat Pinguaraq, inissiat 60-t, akuersissutigineqassasoq ingerlatsiviup innersuussutigaa.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmit erseqqissaatigineqarpoq, pilersaarummik piginnittup kommunimut pilersaarummut tapiliussap suliarinissaanut aammalu ilaatigut VVM-imik misissuineq kiisalu atortunut, sanaartorfissagissaanermut sanaartormermilu aningaasartuutissat tamaasa nammineq akilissagai.

### **Suliffeqarfimmut Kiffartuussivimmit aningaasatigut naliliineq**

Oqaaseqaateqartitsisoqanngilaq.

### **Inatsisitigut tunngavissaq allakkallu tunngaviumik uppersaatiillit**

- o Pilersaarusioneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- o Inatsisartut inatsisaat nr. 34, 9. december 2015-imeersoq
- o Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siuserusukkut aalajangiinerit**

*Sanarfinermut Avatangiisinullu Ataatsimiititaq, 19.01.23:*

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- pilersaarummut qinnuteqaat Pinguaraq inissiat 60-t akuersissutigineqassasoq
- suliaq Aningaasaqarnermut Inuusutissarsionermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Inassuteqaat akuersissutigineqarpoq, ima allannguutitalerlugu: Pilersaarusiaq 48-nik inissiertalik akuerineqarpoq. Etage-mik ilallugu allannguutaa eqqarsaatigalugu taanna tusarniaassutigineqarsinnaavoq kommunimullu pilersaarummut tapiliussap suliarineqarneranut atatillugu ilanngunneqarluni.

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Pilersaarummut qinnuteqaat Pinguaraq, inissiat 60-t
4. Pilersaarummik piginnittup allagartai
5. Aningaasaqarneq pillugu nassuiaat
6. Naliliinissamut immersuiffissaq
7. Pilersaarutitut qinnuteqaatinik ingerlatsineq
8. Pilersaarutitut qinnuteqaatinik misissuivik
9. Inatsisartut inatsisaat nr. 34, 9. december 2015-imeersoq

## **Punkt 15: Aningaaseriviup qularnaveeqqusiinissaanik siunnersuut**

### **Beslutning**

Siunnersuut tamanit taperserpeqarpoq, ataatsimiitamilu aalajangiiffineqarnissaa siunertaralugu siunnersuutip inatsisitigut aammalu aningaasatigut qanoq kinguneqarsinnaanera misissorneqaarnissaa kissaatigineqarmat siunnersuut ingerlatsivimmut ingerlateqqinneqarpoq.

## Aningaaseriviup qularnaveeqqusiinissaanik siunnersuut

Kommunalbestyrelsimi ilaasortap Justus Hansenip (D) Aningaasaqarnermut Inuussutissarsiornermullu Ataatsimiititamut siunnersuutaa

Aalajangiiffigisassaq

SagsID.: EMN-2022-09812

### Inassuteqaat

Kommunalbestyrelsimi ilaasortap Justus Hansenip (D) Aningaasaqarnermut Inuussutissarsiornermullu Ataatsimiititamut inassuteqaatigaa:

- siunnersuut ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### Suliassamik saqqummiussineq

Kommunalbestyrelsimi ilaasortaq Justus Hansen (D) decembarip 28-anni 2022 Aningaasaqarnermut Inuussutissarsiornermullu Ataatsimiititamut siunnersuummik nassiussaqqarpoq.

Kommunalbestyrelsimi ilaasortap Justus Hansenip (D) kissaatigaa Nuup avataani sanaartornermi akiliutissap tamakkiisup 5%-ianik 10%-inut taarsiullugu aningaaserivimmit qularnaveeqqusiisoqarsinnaaneraniq periarfissaq eqqartorneqassasoq.

Tunngavilersuut:

(Kommuneqarfik Sermersuumit nutserneqqarpoq)

*"Kikkulluunniit kommunip suliariumannittussarsiuussinerani neqerooruteqartut, piumasaqaatitut 10%-imik aningaaserivimmut qularnaveeqqusiisussaapput.*

*Siunnersuutigaaara Nuup avataani, sanaartugassamut tamakkiisumik akiliutissamit 5%-imik 10%-imut taarsiullugu aningaaserivimmut qularnaveeqqusiisoqartalissasoq.*

*Kommunip suliariumannittussarsiuussineranut neqerooruteqarnermi sanaartugassamut tamakkiisumik akiliutissamit aningaaserivimmut 10%-imik qularnaveeqqusiisoqartarnissaa piumasaqaataavoq.*

*Nuup avataaniittut tamarmik kommunip suliariumannittussarsiuusnaanut neqerooruteqarniarnermi ajornartooruteqarujussuuartarput, tamanna suliffeqarfimmut entreprenørimumulluunniit aningaasatigut annertuumik kinguneqarsinnaasarmat.*

*Aningaaseriviit taamatut qularnaveeqqusiiumaneq ajornerat takuneqartarpoq, taamaattumillu Nuup avataani illoqarfinni nunaqarfinnilu ineriartornissaraluaq unitsinneqartarluni.*

*Siunnersuutip matuma akuersissutigineratigut, ineriartortoqalissaaq, taamaasilluni suliffeqarfiit ilinniartoqarfiusartut amerlanerulissallutik.*

*Inuss.*

*Justus Hansen"*

### Siunnersuut qanoq aningaasaliiffigineqassava?

*"Aningaasartuuteqanngilaq".*



### **Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq.

### **Ilanngussat**

Soqanngilaq.

**Punkt .: Lukket**

## **Punkt 16: Lukket**

## **Punkt 17: Lukket**

## **Punkt 18: Lukket**

## **Punkt 19: Lukket**

## **Punkt .: Tamalaat**

### **Beslutning**

Dorthe-Marie Mogensen-Fontain (S): Paamiuni ikaartarfik pillugu oqaaseqarpoq. Taamatuttaaq Nuup avataani piffinni alajangiiffigineqarsinnasut pillugit oqaaseqarluni.

Inga Dora G. Markussen (S): Kommunalbestyrelsimut paasissutissiisarneq pitsaanerusinnaasoq pillugu oqaaseqarpoq. Utoqqarnut aammalu immikkut pisariaqartitsisunut (soorlu ADHD-nut) sullissineq pillugu oqaaseqarpoq.

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.29.